

# *XIKWEMBU A XI VITANI MUNHU EKU AVANYISIWENI EHANDLE KA KU RHANGA XI N'WI TSHINYA*

 “Vitana khume ra magidi ya Tintsumi,” loko yin’we a yi tava yi herisile misava, “kambe U ferile mina na n’wina.” Wolowo i nchumu wun’wana lowu kotisaka tshaku leri ndzi lavaka ku va na hungu ra mina hi Sonto ni mixo, loko Hosi yi swi rhandza, eka “Xana Kreste a ri yini?” Kutani sweswi hi languterile leswaku kumbexani swinhwanyetana leswi swintsongo swi nga hi yimbelelela risimu leriya nakambe, hi Sonto ni mixo. Makwerhu Wheeler, ndzi lava ku vula leswaku hakunene u na vavasati lavantsongo va kahle vambirhi lahaya, na maambalele ya bona, nakona a ku na switolwa-tolwani na hinkwaswo. Va languteka kukotisa Vakreste eka mina, nakona va yimbelela kukotisa xiswona na ku tikhomisa xiswona. Sweswo swi kahle ngopfu.

<sup>2</sup> Ndzi pfumela leswaku a ndzi ri karhi ndzi byela nsati wa mina siku rin’wana, hakunene hi na ntlawa wa vavasati lava va langutekaka va basile lahwani. Ndza swi khensa sweswo. Misisi ya bona yo leha na swikandza swo basa, na kuva va ambarile hi mukhuva lowunene. Ndza—ndza—ndza mi tsakela nkarhi hinkwawo lowu ndzi—ndzi nghenaka hi wona. Ndzi te eka Meda, “Ndzi nga tsakela ku va nghenisa hinkwawo eka rheyi nkarhi wun’wana kutani ndzi teka xifaniso xa bona leswaku ndzi ta komba tikerekere letin’wana hi ndlela leyi kereke ya hina yi nga xiswona lahwani.” Leswaku laha hi vulavulaka swilo leswi, va—va yingisa. Nakona hi tsakile. Swi endla swin’wana eka hina. Ha swi tiva leswaku loko hi—hi va na xikombelo xa hina, loko timbilu ta hina ti nga hi avanyisi, ha swi tiva leswaku Xikwembu xa hi twa.

<sup>3</sup> Mixo lowu, munghana wa mina, wa le kule na lahwani, a vekiwile ehandle, u kokeriwile ekule nakona ntsena—ntsena a nga hari eku hanyeni, a ku ehleketiwa leswaku u tava a file hi timinetse tintsongo. Va foynile, a kuri hi mata-kuxa. Ndzi pfukile emubedweni, ndzi ya ehansi, kutani ndzi sungula ku khongeleta nakulorhi loyi wa khale nakona ndzi swi kotile hi tintswalo ta Xikwembu ku hlangana na moyu luwa, hi lowu wu vuyerile endzhaku. U vile kahle, a vuyela endzhaku nakambe, ma swi bona, u le ku hanyeni na hina vusiku lebyi, eku kwetsimeni ka Xikwembu. Yaloye i mukhalabya Makwerhu Dauch, makume nkaye-n’we wa malembe hi vukhale, makume mbirhi—n’we wa

malembe ku hundzile nkarhi wa rendzo ra vutomi bya yena. Kambe Hosi yi kahle na ku tala hi ntsetselelo, swingaleswi hi khensa ngopfu eka swona.

<sup>4</sup> Sweswi, Makwerhu Neville, hi hundzuluka hi langutisana nakona ndza swi tiva leswaku ntsena ndzo va xintsongo... kwalomu ka xikhongelo xin'we xo engeteleta ku va lahwani, nakona sweswo ku tava kuri Sonto. Nakona a ndzi—ndzi lavi ku teka mufundhisi wa mina, ntsena ndzo rhandza ku n'wi twa a chumayela.

<sup>5</sup> Sonto ni vusiku loko a chumayerile, ndza mi byela, ndzi yile ehenhla lahwani na munghana eka xindhawani lexi ku xaviwaka ehandle ko huma emovheni, ku ya kuma sangweji endzhaku ka swona, Makwerhu Evans na Sesi Evans, kutani ndzi kotlana na Makwerhu na Sesi Sothmann ehenhla lahaya. Makwerhu Sothmann na hinkwavo ka vona a va ri karhi va hlambanyisa hi mayelana na hungu leriya ro saseka. Nakona, ndza mi byela, ndzi hanyile hi rona vhiki hinkwaro, hakanyingi. Nakona van'wana va vona va hlambanyisa hilaha yimbho yi ehleketaleswaku a yi titumbetile. Sweswi, wolowo i ntiyiso, loko yi tlhoma nhloko ya yona ehansi, kambe vunyingi bya yona byi tama bya ha langutile ehandle. Swingaleswi sweswo swi mayelana na ndlela leyi hi endlisaka xiswona nkarhi wun'wana. Hi ringeta ku tumbeta tinhloko ta hina endzhaku ka nchumu wun'wana, nkarhi hinkwawo ku na... kumbexani ha ha tikombisa, ma swi tiva. Xi vona xiphemu xin'wana na xin'wana xa hina, ma swi vona. Swingaleswi hakunene ha swi khensa sweswo.

<sup>6</sup> Kutani ndzi ehlekatile, kunene, ndzi tsakela ku vulavula na kereke kutani ndzi ehlekatile, kunene, ndzi—ndzi... Makwerhu Neville u kuma ku vulavula na n'wina nkarhi hinkwawo, swingaleswi loko ndzi ri ehansi lahwani kumbexani ku cukumeta ehansi. A ndzi lavi ku va musandzi ku ringanel, na ku ka ndzi ngavi ehandle eku vitaniwani, kumbe ku ngari na nchumu, ntsena ku tshama le kaya nakona kereke yi pfuriwile lahwani. Ndzi—ndzi na... Ndzi lava ku va lahwani hikuva ndza mi rhandza.

<sup>7</sup> Ndza mi byela, hakunene ndzi tani hi... Maxelo lahwani a ya pfumelelani na mina, nakona ndzi...nakona tiko a ri pfumelelani na mina nakona ndzi na aleji eka moyo lowu wu nga lahwani. Ntsena loko moyo luwa wu ndzi ba ndzi khomiwa hi manyavila, kwala henhla, ma vona, nakona a ku na nchumu lowu mi nga ta wu endla hi mayelana na swona. Nakona ndzi... Nakona a hi titwi kahle, ku hava na un'we wa hina, loko hi ri lahwani. Hina...hi ku tika un'wana wa hina hakunene a titwa kahle ku sukela hi vile lahwani, hikuva hi ve kona tani hi ku tolovelva maxele lawaya ya le henhla.

<sup>8</sup> Kambe, sweswi, nchumu wun'we lowu wu ndzi kokelaka lahawani hi n'wina hinkwenu. Hi swona sweswo, n'wina hinkwenu. Ma swi tiva, mi kuma vanghana vo tala, ndzi—ndzi khensa ndzi vuyelela. Ndza tshembha leswaku ndzi... loko ntsena a ndzi lo hlayela, mina n'winyi, vanhu lava ndzi va tivaka, a ku tava kumbexani timiliyoni ku rhendzeleka hi misava. Swi tshama swi ringanyetiwa hi munhu un'wana, nakona kumbexani hi ku tiva ka vun'winyi, hi kwalomu ka khume ra timiliyoni ta vanhu. Kambe ku na nchumu wun'wana hi mayelana—mayelana na le kaya, hi mayelana na vanhu vo karhi: Ntsena ku na... Munhu un'wana na un'wana u na sweswo, ku na vanhu vo hlawuleka evutoni'wini bya n'wina. Ma swi tiva, ndzi pfumela sweswo. Loko va nga ri kona, kutani hikokwalaho ka yini vavasati va hina va hlawulekile eka hina? Nakona hikokwalaho ka yini—hikokwalaho ka yini va hina... Ma vona? Hi le... vasati va hina, vanuna va hina, na kuya emahlweni, swi—swi hlawulekile. Nakona mi na sweswo na vanghana. Ku na nchumu wun'wanyana lowu ntsena mi rhandzaka ku hlangana na vona kutani mi tivulavulela na vona. Ku na swivati leswintsongo.

<sup>9</sup> Nakona ndzi nga ehleketa hi nhlangasi lowu wa khale lahawani laha kereke leyi leyintsongo yi yimeke kona, na laha loko yi nga se yima kona a ku ngari nchumu ehandle ka—ka tiva lerintsongo. Xexo hi xona xivangelo xova patu leriya ri endle ndlela kwalahaya, ku rhendzeleka hi tiva leriya rintsongo. Leyi kahle-kahle i ndhawu, nakona xitarata xi ta hi le nyangwени lahaya. Nakona, kambe a kuri tiva lerintsongo. Nakona ndzi tsundzuka ku humela ehandle lahawani na ku ringeta ku kuma ndhawu yo akela kereke ya Hosi kona, na ku va ntsena mufana lontsongo.

<sup>10</sup> Nakona ndzi yingiserile lavawani, nakulorhi loyi lontsongo na loyi un'wana lahawani, va ri karhi va khongela ku ngari khale ngopfu, hi vuhiseker lebyiya hinkwabyo. Ndzi anakanyile, "Ma swi tiva, a ndzi swi kota ku khongerisa xisweswo, ehandle ko khoma ku hefemula ka mina, hi ku nonohwa." Kutani wa dyuhala, u va tani hi ku hunguta rivilo swintsongo, ma swi tiva, na sweswo. U va wa ha famba, kambe u le "ka gerhe ya vumbirhi" tani hilaha ndzi nga byela Makwerhu Wood ehandle lahaya. Kambe, kutani ntsena loko... Kutani endzhaku ka nkarhi u rhelela eka gerhe ya le hansi, loko u fika kwalomu ka makume nkombo kumbe makume nhungu, ndza vhumbha. Kambe, ma swi tiva, e... u va wa ha famba, hambi swi ri tano. Ntsena loko wa ha kota ku famba, xana hi kwihku hambana loko swi ku endlaka? Ntsena xinkadyana xo engetelela ku fika lahaya.

<sup>11</sup> Ndzi tsundzuka hilaha a ndzi khongela hakona, nakona kwala eka nhova ya leyi, kona kwala laha phuluphit leyi yi nga yima kona sweswi, ntsena kwala yi nga kona, hi kona laha ndzi nga belela ximhandzana laha a ndzi tiva ku veka

phuluphiti kona. Hosi Xikwembu xi ndzi nyikile ndhawu ley. Ina, nkulukumba. Sweswi, kona kwalahaya eribyeni ra yinhla ku tshamile vumbhoni bya xivono hi mixo lowu ndzi nga ri vekela, loko ndzi nga se kota ku swi ehleketa hi nkarhi wa kona, xi ku, "Leyi a hi tabernakele ya wena, kambe endla ntirho wa muevhangeli," ku vula Xona. Ndzi langutisile ehandle kutani ndzi vona misava hinkwayo kwalahaya, na swibakabaka swa wasi wo hatimela, na vanhu va ri karhi va ta ku suka hinkwakonkwako; xi tshamile eribyeni ra yinhla lahaya. Hilaha a ndzi swi ehleketa swintsongo hakona leswaku sweswo swi nga humelela, hambi loko xivono xi vurile tano; kambe a xi tsandzeki, swi tava kona hambiswiritano.

<sup>12</sup> Ndzi vile eka vukonanisi byo tala vhiki leri, hikuva, Sonto, Vukona bya tintswalo bya Hosi byi xikerile ehansi. Nakona a ndzi fanele ku va ndzi fambile hi Musumbhunuko.

<sup>13</sup> Ndzi na . . . a hi se teka holideyi, vana. Holideyi ya mina yi ta endzhaku, endzhakunyana. Kambe a ndzi lava ku teka vana eka xinkadyana. Va fanele ku tlhelela endzhaku na kuya exikolweni sweswi, swingaleswi a ndzi ehleketa leswaku vhiki leri ri ngava nkarhi wa kahle. Ndzi kongomana na Chicago vhiki leri tako eka nhlengeletano liya lahaya.

<sup>14</sup> Kambe manuku e—e ntoto wa Moya, ndzi ehleketele leswaku, "Sweswi i nkarhi wa ku va na vukonanisi." Sweswi i nkarhi wa ku va leswi . . . leswaku ndzi nga kumeka ndzi khomkile eka byintsongo bya byona lahaya. Nakona ku na . . . Ndzi vona van'wana va vanhu va tshamile kwala lava a va ri ekamareni. Va swi tiva loko kuri leswaku Hosi yi hlanganile na mina kumbe swi nga ri tano.

<sup>15</sup> Nchumu lowu nga tollovelekangiki lowu . . . munhu un'wana na un'wana ehandle ka vavasati van'wana lava Billy a nga va veka ntsena eka ndhawu ntsena eku sunguleni, wansati un'wana wo huma eLouisville, a ri na xinhwanyetana lexi a xi ri lahawani, ndzi ehleketa leswaku va wela eka Church of God eLouisville, kumbe swin'wana. Kambe mhaka yin'wana na yin'wana, un'wana na un'wana wa vona lava va nga nghena, loko ndzi nga se suka ekaya Moya lowo Kwetsima wu ndzi byerile leswaku i mani loyi a tava lahawani, leswi a va ta swi vutisa. Nakona ndzi swi tsarile eka xiphemu xa phepha kutani ndzi vula ntsena leswi a va ta swi vutisa na swivutiso swa vona hi ndlela ley a va ta swi vutisa hakona, na hilaha a va ta swi hlamula hakona. Kutani a ndzi ta va byela, ndzi ku "Hi leswi ntsena leswi n'wina . . . langutani sweswi, timinetse tintsongo leti ti nga hundza lahawani, leswi Moya lowo Kwetsima . . ." Ndzi fikelela edesiken i kutani ndzi ku, "Ma vona? Xi ndzi byerile leswi loko mi nga se kala mi fika." Ma vona? Kambe loko ndza ha ri endlwini, loyi a tava kona na leswi a swi tava swona, leswi mavonele ya vona ya nga tava xiswona, na hinkwaswo mayelana na swona, loko ndzi nga se kala mi suka ekaya.

<sup>16</sup> Ndzi vonile nkarhi, nkarhi wo tala, loko ndzi va ndzi ri karhi ndzi ta ku rhelela hi patu, ndzi ri karhi ndzi khongela, a ndzi ta vona layini ya xikhongelo yi hundza emahlweni ka mina nakona ndzi tiva vito rin'wana na rin'wana leri a ri tava eka layini ya xikhongelo, loko ndzi nga se kala ndzi fika lahawani. Hi swona sweswo. Na hambi ku ri ku tiva laha a va tshamile kona ekerekeni na leswi a va... hilaha a va tava va ambarise xiswona na leswi a va tava va langutekisa xiswona. A wu byeli vanhu hinkwaswo leswi fanaka na sweswo. U... Ku na swilo leswi humelalaka leswi u nga va byeriki. A swi fanelanga ku ri va byeriwa. Ntsena ndzi byela vanhu swilo leswi ndzi ehleketa ka leswaku swi ya eku va pfuneni, loko Hosi yi ndzi tshikelela ku va byela, yi ku, "Vula leswi." A mi nga ta lava ku vula swilo hinkwaswo leswi mi nga swi vona, hikuva sweswo a swi nga ta va swi lulamile, ma swi vona, ntsena mi... hakunene, mi nghena ekhombyeni na leswin'wana hinkwaswo swo kotisa sweswo. Mi fanele ku tiva hilaha ku fambisisiwaka xiswona swilo leswiya hi Moya wa Hosi.

<sup>17</sup> Ndzi vile na vanhu lava va nga yima emahlweni ka mina kutani va ndzi vutisa swivutiso, ndzi swi tiva kahle, kambe a ndzi nga tava byela, hikuva ntsena a ndzi titwa ndzi pimeriwa ku ka ndzi nga swi endli. Ma tsundzuka, ndzi pfumela leswaku a ku ri vusiku bya Ravunharhu leri nga hundza, ndzi chumayerile hi, *Mubohiwa*. Ma vona? Ma vona, u lava ku byela munhu yoloye, kambe Nchumu wun'wana wu ku, "U nga swi endli." Moya wu ri, "U nga swi endli. U nga swi endli." Hambiswiritano nyiko yi swi langutisile, ma vona. "U nga swi endli. U nga swi endli." Ma vona, swingaleswi swa antswa u nga swi endli; kutani u le khombyeni na Xikwembu.

<sup>18</sup> Sweswi, a hi ti ehansi lahawani vusiku lebyi ntsena ku ta yima lahawani. Hi lava ku twa Rito ra Hosi. A mi ri eku khongeleni nakona hi vile na nkarhi wa kahle, nakona—nakona ndzi... nkarhi hinkwawo loko ndzi rhelela ndza swi tiva leswaku ndzi tisa ntsena xibukwana xa tsalwa hikuva ku na... Minkarhi yin'wana Makwerhu Neville u na tintswalo swonghasi u tshamela ntsena ku ndzi vutisa, "Xana u nga swi endla *leswi*," kumbe "u endla *sweswo*," kumbe "vulavula?" Kutani ndzi langutisa lahawani ku kondza ndzi tikumela tsalwa ra muxaka wo karhi kutani hi ri sungula ku sukela kwalano. Nakona ndzi na ntiyiso... Sweswi, mi va ni ntiyiso hi Sonto...

<sup>19</sup> Sweswi, a ndzi... A hi kali hi swi tiva, hi ngaka hi nga vuli. Ma swi vona, ndzi tile laha hi minkarhi na—na tsalwa emiehlekeweni ya mina leri a ndzi ya vulavula hi rona, kutani ndzi nghena lahawani kutani ndzi ri cinca hi ku hetiseka. Nakona ndzi vile na Matsalwa lawa ya tsariweke ehansi, ndzi ri, "Ndzi ya eku tirhiseni ka tsalwa leri, ndzi ya eku tirhiseni ka Matsalwa lawa. Loko ya rhelela ehansi, ndzi ya eku vulen i ka *leswi*, *sweswo* kumbe *leswin'wana*." Ndzi ta tsala ehansi, ntsena

kukotisa sweswo, Vakorinto vo Rhanga 5:15, na Vakorinto va Vumbirhi 7:1, na Matewu 28:16, ku ya emahlweni, ntsena ku swi veka endzeni kukotisa sweswo, ehansi lahawani kukotisa leswi, kutani ndzi tsala wona Matsalwa ehansi. Kutani ndzi langutisa ehansi lahaya, ndza swi tiva leswi Tsalwa ri swi vulaka lahaya; nkarhi wun'wana ndzi nga kalanga ndzi swi khumbha sweswo, swi famba ndlela hinkwayo ku rhendzeleka hi ndlela yo hambana, hinkwaswo-nkwaswo. Nakona ho ka hi nga swi tivi.

<sup>20</sup> Swingaleswi sweswi, loko Hosi yi swi rhandza, ndzi lava ku vulavula, eku pfalen i ka swikhongelo nyana leswi swo longoloka hi mpfuka kova lahawani, mixo wa Sonto, eka nchumu wa nkoka swinene. Swingaleswi, sweswi, tanani ni mpundzu, mi tilulamiserile ku tshama swi hlwelanyana, kumbexani kwalomu ka awara ya mbirhi, swin'wana swo kotisa sweswo. Swingaleswi swi... Ndzi na kwalomu ka makume nharhu kumbe makume mune wa Matsalwa lawa ku nga khale ya tsariwile ehansi eka dyondzo, kambe ndzi ehlleketa leswi yi...leswi ndzi nga ta ringeta ku swi endla, loko Moya lowo Kwetsima wu ta ndzi pfuna, ku khoma Hungu na ndhawu laha Ri nga kona sweswi, na ku Ri aka laha Ri nga sungula kona, na ku Ri aka ku ya eka nkarhi wa sweswi.

<sup>21</sup> Leswaku loko ndzi—ndzi famba ku ya eChicago, kutani ndzi fanele ku kongoma e Arizona, kutani ndzi ya emahlweni, emahlweni na le mahlweni. Nakona ku nga ha va, ku fika hilaha ndzi tivaka hakona, ku nga ha va lembe leri taka nakambe, kumbexani ximumu lexi landzelaka, loko ndzi nga se vuyela endzhaku nakambe eka tabernakele, ehandle ko va ntsena ndzi ri karhi ndzi hundza hi ndlela leyi nakambe, hikuva ndzi na tinhlengeletano.

<sup>22</sup> Kutani Billy, kona sweswi, u le ku tirhaneni na le ntsungeni wa malwandle eka rendzo ro helela ra misava leri sungulaka xikan'we-kan'we endzhaku ka Khisimusi. Nakona ndzi bukiwile hinkwako ku fikela kwalomu ka N'wendzamhala, nakona, kunene, kumbexani vhiki ro sungula hi N'wendzamhala, Dallas. Swingaleswi kutani—kutani hi Sunguti hi lava ku sungula eka rendzo ro helela ra misava, ndlela hinkwayo hi ku rhendzeleka, hi ku hetiseka, nakona hi le ku tirhaneni na sweswo sweswi, ku kuma ntsena laha Hosi yi nga ta rhangela. Nakona—nakona ndzi—ndzi khensa swinene eka...hambi kuri eka vanhu, vachumayeri, hi yunyingi tani hi loko ndzi vula ku lwisana na ta vona—ta vona tidinominexini.

<sup>23</sup> Ma swi tiva, etibukwini leti ti tshameke endzhaku lahaya sweswi, Makwerhu Roy Borders u langutisana na swirhambo, nakona hi mpfhuka ka Khisimusi, masungulo ya lembe, ku vile na ku tlula gidi ra swirhambo ku rhendzeleka na misava. Gidi ra swirhambo swi nghenile endzhaku lahaya. Swingaleswi Hosi yi fanele ku ndzi kongomissa leswaku hi xihi xa leswi ndzi faneleke ku ya eka xona, na leswi ndzi faneleke ku swi

endla. Ntsena hi tshembhele eka Yona. A mi nga ta swi teka hinkwaswo. A mi—mi nga ta teka ku tlula nhungu kumbe khume ra swona hi ximumu loko a mi fanele ku endla tano, eka—eka ro helela...ehandle ka loko ntsena mi famba vusiku byin'we lahawani na vusiku byin'we lahaya, nakona sweswo i...va kombela mavhiki mambirhi na mavhiki manharhu, na ku ya emahlweni, ntsena loko u nga kota ku tshama, kumbe van'wana va vona va ri “ntsena hilaha Hosi yi nga ta rhangela hakona,” na—na hinkwaswo swo kotisa sweswo, swingaleswi a wu ku tivi kahlekahle laha u nga sungulaka kona kumbe leswi u nga swi endlaka. Swingaleswi ntsena hi le ku swi vekeni emahlweni ka Hosi, hi ku, “Sweswi, Wena byela hina, Tatana wa le Matilweni.” Nakona mi ndzi pfuna ku khongela hi mhaka leyi, ma vona, mi ndzi pfuna ku khongela leswaku hi ta hetisekisa leswi.

<sup>24</sup> Nakona ndzi ehleketele, endzhaku ka ku va na xikhongelo xa ku horisa eka Sonto lowu nga hundza, kutani kumbexani Sonto lowu loko ntsena ho teka dyondzo na ku yi tisa kutani hi kombisa leswi—leswi nkarhi lowu hi nga...laha hi nga kona, leswi—leswi—leswi e—e xikongomelo xa mpetso wa vunharhu wa kungu lerikulu ra Xikwembu hi mpfhuca ka loko ku nga seva na masungulo ya misava, na ku yi rhelerisa eka namuntlhā, kungu ra mpetso wa vunharhu ra Xikwembu, kungu. Ndzi le ku tirhaneni na xiphemu xa vumbirhi xa yona sweswi, ku humesela Matsalwa ehandle, na ku ma hlotela ehandle na ku ma vekela.

Sweswi, a hi voneni, a hi korhamiseni tinhloko ta hina ntsena xinkadyana.

<sup>25</sup> Hosi Yesu, Murisi lonkulu wa xivala xa tinyimpfu, hi hlengeletanile lahawani vusiku lebyi eka Vito ra Wena ra tintswalo ku tlurisa, ro Kwetsima. Ha Ku rhandza, Hosi, nakona ha Ku khensa hikokwalaho ka nhlengeletano leyi ya xikhongelo vusiku lebyi, eka tinsimu ta kereke tani hilaha hi nga ti yimbelela hakona hi ntsako etimbilwini ta hina, na—na ku va twa loko va nghena, va ri karhi va phokotela mavoko. Nakona hi yile ehansi hi matsolo ya hina nakona hinkwerhu hi chululela timbilu ta hina eka Wena, na ku Ku khensa eka leswi U nga hi endlela swona, na—na ku kombela Wena ku va u ya emahlweni u famba na hina.

<sup>26</sup> Kutani sweswi awara yi fikile ya ku hlayiwa ka Rito na le ka nchumu wo vulavula hi wona, eka vanhu. Hi kongomisi eka mianakanyo ya hina, Tatana, nakona u kuma ku kwetsima. Nakona vula swin'wana vusiku lebyi, hi hina, leswi swi nga ta hi pfuna hinkwerhu ka hina ku ya ehandle lahawani hi xikongomelo etimbilwini ta hina ku hanya ku antswa na le kusuhi na Wena ku tlula hilaha hi nga tshama hi va hakona. Sweswo hi leswi hi nga laha hikokwalaho ka swona, Hosi, hi lahawani ku tiva swo tala hi mayelana na Wena. Nakona ha khongela leswaku U ta petsunula Vuwena bya Wena lebyi kulukumba eka hina vusiku lebyi eka nhlavutelo wa Rito ra

Wena, leswaku hi ta tiva ku va e—e Mukreste wo antswa na hilaha hi faneleke ku tikhoma hakona eka masiku lawa yo hetelela. Ha swi kombela hi Vito ra Yesu. Amen.

<sup>27</sup> Sweswi, ku vona ka mina ku wela ehenhla ka tsalwa lahawani ra Esaya, Esaya 38. A hi hlayeni ehenhla eka Esaya, Esaya 38.

*Eka masiku lawaya Hezekiya a vabya ku yisa ekufeni. Kutani Esaya muprofeta n'wana Amos a ta ka yena, a ku eka yena, Leswi swi vula hi Hosî, Veka yindlu ya wena ematshan'wini: hikuva u ta fa, nakona u nga ha hanyi.*

*Kavaloko Hezekiya a hundzuluxela xikandza xa yena ku kongomana na khumbhi, kutani a khongela Hosî.*

*Kutani a ku, Ndzi tsundzuke, Oho Hosî, ndza ku kombela, hilaha ndzi nga famba emahlweni ka wena hi ntiyiso ni mbilu leyi hetisekeke, nakona ndzi endlile leswinene emahlweni ka wena. Kutani Heze-... Hezekiya a rila ngopfu.*

*Kutani ku ta rito ra Hosî eka Esaya, ri ku,*

*Famba, kutani u ku eka Hezekiya, Leswi swi vula hi Hosî, Xikwembu xa Davhida tata wa wena, Ndzi yingisile xikhongelo xa wena, Ndzi vonile mihloti ya wena: wa swi vona, Ndzi ta engetela masiku ya wena hi malembe ya khume na ntlhanu.*

<sup>28</sup> Ingaku Hosî yi nga engetela mikateko ya Yona eka ku hlaya loku. I dyondzo ya kahle ngopfu eka hungu ro koma lahawani, ndza pfumela. Ndzi lava ku ri vitana: *Xikwembu A Xi Vitani Munhu Eku Avanyisiweni Ehandle Ko Sungula Xi N'wi Tshinya*. Nakona hi ya—hi ya—hi ya eku khomeni ka—ka vuyimelo kumbe platifomo ya yona lahawani, eka tsalwa leri vusiku lebyi, Xikwembu xi ri eku tshinyeni ka munhu loko xi nga se n'wi yisa eka rifu ra yena.

<sup>29</sup> Sweswi, un'wana na un'wana u na swona leswi. Hi nga ha ku, “Kunene, nakulorhi *loyi* u file ehandle ka xitshinyo.” Ee, ee, ee. Xikwembu a xi kali... A mi swi tivi leswi a swi ri embilwini ya munhu yaloye, a mi swi tivi leswi a swi ri karhi swi humelela evuton'wini bya yena. Ma vona? Xikwembu a xi kali xi yisa munhu wihi na wihi eka rifu ra yena ehandle ko sungula xi n'wi tshinya hi mayelana na swona, ku n'wi byela, i nchumu wun'wana, ku lulamisela. Xikwembu i mufumi lonkulu, nakona Xi—Xi gongondza embilwini ya munhu un'wana na un'wana, xi n'wi nyika nkateko wo ta. Sweswi, a nga ha ya ekule na xitshinyo na ku Xi ala, kutani—kutani a hlakahla nhloko ya yena eka Xona kutani a fambela ekule, a ku, “Ahaa, kova ntsena matitwele yo hlekisa, ndzi ta hundza eka wona.” Kambe, hambiswiritano, a kuri Xikwembu, Xikwembu xi vulavulaka na yena.

<sup>30</sup> Nakona Xikwembu a xi kali xi tisa ku avanyisa ehenhla ka misava ehandle ko sungula xi nyika vanhu xitshinyo. Xikwembu a xi kali xi endla nchumu ehandle ko wu tiyisisa ku sungula leswi Xi nga ta swi endla. Nakona Xi nyika vanhu ku hlawula, nakona mi nga—mi nga endla swo lulama kumbe swo hoxeka. Sweswo i swa Xona... Ma vona, Xikwembu xi ngaka xi nga cinci wa Xona—wa Xona ntumbuluko. Nongonoko wa xona wu ngaka wu nga cinci ku suka eka leswi Xi nga sungula hi swona, hikuva Xi hilaha ku nga riki na makumu nakona nongonoko wa Xona na mianakanyo ya Xona hinkwayo yi hetisekile. Swingaleswi, loko Xo Swi cinca, sweswo swi nga kombisa leswaku Xi dyondzile swo tala. Swingaleswi, ku va loyi a nga riki na makumu, Xi ngaka xi nga dyondzi swo tala. Xa Xona—xa Xona xo rhanga—xiboho xa Xona xo rhanga xi tshama xi ri lexi hetisekeke, nakona ku hava nchumu lowu nga pfukaka wu Xi cincile. Ma vona?

<sup>31</sup> Xikwembu, loko munhu a nga se kala a vekiwa... a ri na nkateko wo endla swo hoxeka, Xikwembu xi n'wi ve kile eka tshaku ra laha a ta kota ku amukela kumbe ku ala, a ta amukela kumbe—kumbe a nga amukeli.

<sup>32</sup> A hi nge, hi ndlela yin'wana, loko muchumayeri luya lahawani, Makwerhu Baker, ndzi pfumela leswaku a ri eka—eka vukonanisi siku rin'wana, ndzi na swivutiso swa yena leswi a ndzi tsalerile swona eka mbewu ya nyoka. Ndzi na swona swi tlhandlekiwile endzhaku lahawani sweswi. Loko a ri kona lahawani, hikokwalaho ka yini, kunene... A ndzi n'wi voni helo eka nkarhi wa sweswi. Kambe swi kona. Yena na nsati wa yena, wanuna wa kahle swinene na e—e wansati, kambe a va—va nga koti ku twisia swilo swintsongo mayelana na dyondzo ya mbewu ya nyoka, hilaha sweswo—sweswo... swivutiso swin'wana mayelana na leswi ndzi nga swi vula, na—na nchumayelo wo hundza sweswo, na—na ku vulavula hi mayelana na—na ku biha emirini na ku ya emahlweni. Kambe ndzi... kutani swi fana na makwerhu, wanuna wa kahle, ntsena Mukreste ku ringana malembe ma ngari mangani kumbe mambirhi, kambe ntsena a nga twisisi, ma swi vona.

<sup>33</sup> Swa nonohwa loko mi nga... Mi fanele ku tshembhela eka Moya lowo Kwetsima hikuva Bibele leyi yi tsariwile hi mawetana. U ngaka u nga tshami ntsena ehansi kutani u Yi hlaya kukotisa phepha-hungu. Yi fihiwile. Ina, nkulukumba. Xana u nga pfuka u xi yimelerise ku yini Xikwembu loko Xi byerile Muxe le henhla, xi ku, "Sweswi, u nga endli xifaniso na xin'we xo vatliwa," eka swileriso swa Xona, "u nga endli nchumu lexi kotisaka Tilo, yihi na yihi—Ntsumi yihi na yihi, kumbe nchumu wun'wanyana, u nga endli swifaniso swo vatliwa," nakona hambiswiritanu hi siku leri fanaka xi n'wi byela ku yumba Tintsumi timbirhi hi brasi kutani a ti veka ehenhla ka xitshamo xa ntsetselelo, laha ntsetselelo wu nga kona? Ma vona? Mi fanele ku tiva Xikwembu na Ntumbuluko wa Xona loko mi

nga se twisisa Rito ra Xona. Xi—Xi—Xi na xilotlela xa Rito lero, Xona n'winyi, nakona Xona—hi Xona xi ri Xoxe lexi nga ta—nga Ri khomaka na ku Ri pfula, swingaleswi hi Xona N'winyi lexi xi faneleke ku Ri paluxa.

<sup>34</sup> Kutani sweswi, hi kuma leswaku Ntumbuluko wa Xona a kuri leswaku, lahawani, nkarhi hinkwawo ku tshinya munhu loko ku nga se va na ku avanyisa, ku tshinya tiko loko ku nga se va na ku avanyisa, na swin'wana. Xi tshamela ro nyika xitshinyo xa Xona, xitsundzuxo eka hina, xa vutihlamuleri. Hi na vutihlamuleri, nakona Xikwembu xi hi vekile laha emisaveni hi xivangelo, nakona xivangelo xexo lexi Xi nga hi veka laha hikokwalaho ka xona, hi na vutihlamuleri eka Xona hikokwalaho ka xivangelo xexo. Mi fanele mi ya eka Xona kutani mi kumisia leswi Xi lavaka leswaku mi swi endla. Ma vona? Loko mi nga . . .

<sup>35</sup> Loko mi yile ku ya tirhela wanuna, kutani a mi nyika ntirho epurasini ra tihomu, kumbe nchumu wun'wana, nakona ntsena mi ya edulwini mi ya titshamela ehansi kwalahaya, kutani mi ku, "Kunene?" Ma vona, mi fanele ku ya mi ya n'wi vutisa leswi a lavaka mi swi endla, kutani mi swi endla. Loko mi tirhela wanuna, kumisisani leswaku mintirho ya n'wina i yini.

<sup>36</sup> Kutani loko vutomi bya hina byi ri e—e misaveni lahawani, kutani hi fanele ku ya eka Loyi A nga hi veka lahawani, kutani, "Hosi, xana U ta lava leswaku ndzi endla yini? Xana—xana—xana ndzi fanele ku endla yini? Hikokwalaho ka yini ndzi ri lahawani?" Loko kuri ku va nsati wa muti, muhlantswi wa swibyi, loko kuri ku swi tano . . . Swihi na swihi leswi Xikwembu xi lavaka leswaku mi swi endla, kutani mi endla sweswo ku antswa hilaha hi tivaka ku swi endla hakona. Swi ngari na mhaka leswaku i swintsongo njhani, swi ngari na mhaka leswaku i swintsongo njhani, mi fanele ku swi endla.

<sup>37</sup> Mi ri, "Kunene . . ." Xiphijo xa kona, i ku, un'wana na un'wana wa hina u lava ku endla ntirho wa munhu wa vumbirhi. Hinkwerhu hi lava ku paka bolo, tani hilaha hi vulaka hakona, ma swi vona.

<sup>38</sup> Kukotisa wachi leyi lahawani, sweswi, ku famba kun'wana na kun'wana loku ntsongo endzeni lahaya ku na ndhawu ya kona. Sweswi, xiphemu xin'wana na xin'wana xa yona xi ngaka xi ngavi mavoko. Sweswi, ndzi langutisa ntsena emavokweni ku vona leswaku i nkarhi muni. Kambe loko xin'we xa swivhilwana leswiya endzeni lahaya xi nga huma eka ntshamiseko, sweswo a swi nge hlaiysi nkarhi wa kahle.

<sup>39</sup> Nakona yaleyo i ndlela leyi swi nga xiswona hi vanhu. Hina hinkwawo, Mmiri wa Kreste, wu fanele ku va eka ndhawu ya wona, hi ku twanana. Ma vona? Kutani hi nga ha langutisa ematlhelo na ku vona leswaku i nkarhi muni wa siku. Ma vona? Kutani misava yi languterile ku vona leswaku i yini. Ma vona?

Ma vona? Kambe va langutisile n'wina. Kutani loko ntsena mi ri xipiringi xa nsisi, xipiringi-nkulu, kumbe swihi na swihi leswi mi nga swona, mi endla ntirho wo antswa ku tlurisa lowu mi nga wu kotaka eka sweswo.

<sup>40</sup> Sweswi, hikuva, hi na vutihlamuleri lebyi hi faneleke ku tihlamulela eka Xikwembu hikokwalaho ka byona. Munhu un'wana na un'wana loyi a taka exikandzeni xa misava u fanele ku hlamula eka Xikwembu hikokwalaho ka vutihlamuleri. Nakona, eka vo tala va hina, vulanguteri, hi fanele ku hlamula hikokwalaho ka byona. Hina...Vutihlamuleri lebyi i vulanguteri lebyi byi nga nyiketiwa eka hina hi Xikwembu, a ndzi na mhaka leswaku i yini. Tani hilaha ndzi nga vula eka xinkadyana lexi nga hundza, "nsati wa muti," kutani u va nsati wa muti wa xiviri. Hi swona sweswo. Loko kuri ku va n'wamapurasi, u va n'wamapurasi wa xiviri. Ambi ku ngava yini leswi Xikwembu xi nga ku veka ku va u swi endla, u na vulanguteri eka sweswo, u fanele ku hlamula eka Xikwembu hikokwalaho ka swona, hikuva swi teka swilo leswi hinkwaswo ku swi endla.

<sup>41</sup> Hezekiya u byeriwile ku lulamisa na ku tilulamisela hikuva a fanele ku hlangana na Muvumbi. Sweswi, Hezekiya a ri hosi, na e—e wanuna lonkulu. Xana mi kale mi xi xiyisisa xikombelo xa yena lahwani? "Hosi, ndzi kombela leswaku U ndzi tsundzuka. Ndzi—ndzi fambile emahlweni ka Wena hi mbilu leyi hetisekeke." I vumbboni bya njhani lebyi byebyo byi nga byona eka—eka—eka hina namuntha, nakona byi fanele ku va tano, wanuna loyi a fambaka emahlweni ka Xikwembu.

<sup>42</sup> Ambi kuri rifu ri vuriwile ehenhla ka munhu nakona hambiswiritano Xikwembu xi cincile miehleketo ya Xona mayelana na yena, hikuva Hezekiya a lava ku endla swin'wana nakona Xikwembu xi virile leswaku Xi "ta hi nyika ku navela ka timbilu ta hina." Nakona nkarhi wa Hezekiya a wu fikile, kutani u—u kumile mfukuzani eka yena, kumbe nchumu wun'wana, nakona—nakona va wu vitanile "tshumba" hi siku leriya, kambe ha swi tiva leswaku matshumba a ma tolovelekanga ku va ma ku dlaya, ntsena ma hola. Kambe kumbexani a kuri mfukuzani, nakona yi pfulekile kukotisa tshumba. Kutani—kutani Xikwembu xi byerile Esaya, xi ku, "Famba ehenhla lahaya u ya n'wi byela leswaku u ya eku feni." Nakona Hezekiya a ri na swin'wana leswi a ha lava ku swi endla. A ri na—a ri na...

<sup>43</sup> Loko mi kombela xin'wana na xin'wana eka Xikwembu, mi fanele ku va na xivangelo xa xona. Ntsena swi fana na Tsalwa leri ndzi talaka ku kongomisa eka rona, "Loko mi ku eka ntshava leyi, 'Suka,' nakona mi nga kanakani, kambe mi pfumela leswaku leswi mi nga swi vula swi ta humelela, mi nga ha kuma leswi mi nga swi vula." Sweswi, sweswo hinkwaswo-nkwaswo swi lawuriwa eka nsusumeto na xikongomelo, ma vona, kumbe swi ngaka swi nga humeleli. Ma vona?

<sup>44</sup> Ntsena mi ngaka mi nga yi ehandle lahawani... Kwalaho hi laha vo tala va hina hi endlaka swihoxo kona, i ku ya ehandle kutani hi ku, "Sweswi, ndzi ta mi kombeta leswaku ndzi na ripfumelo ro endla leswi." Sweswi, ma hoxisa xo sungula. Xikwembu a xi mi nyikanga tinyiko ntsena ku va mi tlanga hi tona.

<sup>45</sup> Tani hilaha a ndzi ri karhi ndzi vula ku ngari khale ngopfu, a Xi mi kombisi swivono ntsena ku tlanga hi swona. Sweswo a hi nchumu wo tlanga hi wona. Sweswo swa kwetsima. Ntsena swi tirhiseni hi... tani hilaha Hosi yi nga ta mi pfumelela hakona. Vanani vabohiwa eka Yona. Swi ngari na mhaka leswaku mi swi lava ku fika kwihi ku byela nakulorhi luya leswaku wa hoxissa, na leswaku leswi, sweswo, kumbe leswin'wana, mi khomelela mi nga ninginiki ku kondza Xikwembu xi vula tano. Kutani loko Xikwembu xi vula tano, kutani mi nga ha ta na leswi SWI VULAKA HI HOSI! Ku kondza ku fika sweswo, ntsena rivalani hi mayelana na swona.

<sup>46</sup> E—e misava namuntlha yi kotisa hilaha Hezekiya a ri hakona nkarhi luwa, yi tshinyiwile. Yi tshama yi ri karhi yi tshinyiwa. Kereke yi le ku tshinyiweni. Nakona, sweswi, swilo leswi a swo humelela ntsena hi—hi ntsena-ntsena. Hinkwaswo swi na swin'wana endzhaku ka swona.

<sup>47</sup> Sweswi, Hezekiya, kuva a vabya, ku va a ri na tshumba leri, a swi ngari ntsena-ntsena. Xikwembu xi rhumile Esaya kwalahaya kutani xi n'wi byela kuva a veka yindlu ya yena eka ntshamiseko sweswi hikuva a ya ekufeni. Kutani Hezekiya u ririle, kutani a byela Xikwembu, "Ndzi fambile emahlweni ka Wena hi mbilu leyi hetisekeke nakona ndza—ndza khongela leswaku U tsetselela vutomi bya mina hikokwalaho ka xivangelo, xivangelo xa kahle, xivangelo xa Xikwembu."

Xikwembu xi byela muprefeta, xi ku, "Tlhelela endzhaku u ya n'wi byela."

<sup>48</sup> Sweswi xana sweswo a swi hlamarisi? Hezekiya a ri munhu nkulukumba ku tlurisa etikweni lero. Ma vona? Hezekiya a ri hosi, na kuva wanuna wa vukwembu. A ri wanuna wa xiviri, loko a kotile ku kombela sweswo emahlweni ka Xikwembu nakona Xikwembu xi nga n'wi tshinyanga hikokwalaho ka swona, "Ndzi fambile emahlweni ka Wena hi mbilu leyi hetisekeke." Sweswi sweswo swi vula swo tala ngopfu. Ma vona?

<sup>49</sup> Nakona Xikwembu a xi kalanga xi ku, "Ee, Hezekiya, a wu swi endlanga," kambe Xi pfumerile leswaku u swi endlile. Nakona Xi te, "Ndzi ya eku—Ndzi ya eku tsetseleleni ka vutomi bya wena nkarhi wo lehanyana." Ma vona? "Ndzi ya eku ku nyikeni ka xikombelo xa wena," ma vona, hikuva u vile wanuna wo lulama, u vile e—e nandza wa xiviri eka Kreste.

<sup>50</sup> Kutani hi titwa leswaku hi na mfanelo yo kombela swin'wana loko-loko xikongomelo xa hina xi ri kahle, kutani na nsusumeto wa hina eka swona.

<sup>51</sup> Sweswi, ha swi vona namuntlha leswaku eka malembe yo tala lawa ya nga hundza, ndzi nga vula leswaku eka khume ntłhanu lawa ya nga hundza, ku ya eka malembe yo tala, leswaku nkarhi na nkarhi ku vile na xitshinyo ehandle ku tsemakanya tiko, "Hundzukani, kumbe mi lova!"

<sup>52</sup> Mi swi xiyisia, a ndzi ri karhi ndzi vulavula na nsati emixweni lowu, nakona ndzi...ni mixo eku fihluleni, a hi tshamile etafuleni hi ri karhi hi vulavula loko ndzi nga se suka. Nakona ndzi te, "Nsati..." A ri karhi a vulavula hi Billy Graham, na hi mayelana na nsati wa yena, ntsena hilaha swa ntoloveloo na swilo hinkwaswo va ringetaka ku swi hanya. Ndzi ku, "Yaloye i nandza wa xiviri loko a ringeta ku ka a nga... loko a... wanuna kumbexani u endla mbirhi kumbe nharhu wa timiliyonu hi lembe ku suka eka mapfhumba ma yena, kambe a nga ti amukeli, masungulo ya yena ya ti teka, ya ti veka endzhaku eka ntirho na swa vuhami, na swin'wana na swin'wana. Nakona Billy u kuma kwalomu ka makume mbirhi-ntłhanu wa magidi hi lembe."

<sup>53</sup> Wansati a ku, "Xana a nga yi tirhisa njhani makume mbirhi-ntłhanu wa magidi hi lembe?"

<sup>54</sup> Ndzi ku, "U—u teka ntsena leyi a faneleke ku va na yona, hi sweswo ntsena. U na kaya leri a faneleke ku ri hakelela, na swilo hinkwaswo." Ndzi yile emahlweni, kutani ndzi ku, "Ndzi na xichavo xo tala ngopfu eka Billy Graham," ndzi ku, "hikuva u na hungu, nakona hungu rero i ku hundzuka."

<sup>55</sup> Kutani, ndza mi byela, ku hava munhu loyi ndzi n'wi tivaka, loyi a nga etikweni namuntlha, loyi Xikwembu xi nga n'wi tirhisa hi hungu lero kukotisa Billy Graham. Oho, u swi kumile swi bambateriwe ehansi, nakona u yima ntsena lahaya na, ndzi vula, u vitana van'watipolotiki na swirho swa kereke eku hundzukeni. Kambe kwalano hilaha a fambaka a fika kona.

<sup>56</sup> Kutani hi loyi a taka Makwerhu Oral Roberts, nandza un'wana lonkulu wa Hosi. Nakona ku hava munhu loyi a yaka ehandle lahaya kutani a pimanisiwaka na Oral Roberts. Ku omba lokuya ka mbyana yo leva ntsena ka—ntsena ka ku hlongola mimoya ya madimoni na ku vitana Vito ra Hosi na—na minyanyuko yintsongo, na swin'wana na swin'wana, mayelana na ku horisa ka Vukwembu. Sweswo hakunene hi swona. Ku na murhumiya eka Pentekosta.

<sup>57</sup> Ku na murhumiya eka misava ya kereke ya xidinominexini, ma vona, na misava yo titimela.

<sup>58</sup> Kutani langutisani hinkwako eka ministri wa hina lowuntsongo wo tsongahateka, wu yimile "Yesu Kreste wa hari yaluya wa tolo, namuntlha, na hilaha ku nga heriki," ma swi

vona. Xana sweswo swi endla yini? Ku vitana ntlawa luwa wa Mutekiwa, ma swi vona. Ma vona? Ma vona, swi—swi vitana ku suka eka mintlawa liya havumbirhi. Swi le ku tekeni ka Vhilwa ehandle ka vhilwa. Ma swi vona leswi ndzi swi vulaka?

<sup>59</sup> Kutani Xikwembu xi tiyisisa hungu leriya Billy Graham a ri chumayelaka. Xikwembu xi horisa vavabyi hi swikhongelo swa Oral Roberts. Nakona Xikwembu xi humesa swilo leswi Yesu...xi khorwisa leswaku Yesu Kreste wa hari yaluva wa tolo, namunthla, na hilaha ku nga heriki. Nakona swi le ku vitaneni ka swilo leswiya leswi... I mahungu ya awara. Nakona rin'wana na rin'wana ra mahungu lawaya ri le ku vitaneni, "Hundzukani, kumbe mi lova!" Hi swona sweswo. "Hundzukani, kumbe mi lova!" Ku hava ku tshembha, hinkwako ku fambile. Misava yi tshinyiwile hi ku Vuya ka Yena. Rin'wana na rin'wana ra mahungu ra vulavula na ku tshinya hi ta ku Vuya ka Hosi Yesu, havumbirhi eka kereke ya xidinominexini...

<sup>60</sup> Tsundzukani, Xikwembu minkarhi hinkwayo xi hi ka nharhu. Kukotisa Tatana, N'wana, na Moya lowo Kwetsima; na ku lulamisiwa, na nkhu...na ku basisiwa, nkhuvulo wa Moya lowo Kwetsima; swin'wana na swin'wana; Xi hi ka nharhu.

<sup>61</sup> Sweswi, Xikwembu hi xona hungu leriya ra ku hundzuka eka kereke ya vito ntsena. Xikwembu xi le ka hungu ra ku horisa ka Vukwembu eka kereke ya Pentekostal. Xikwembu xi le ka Hungu eka Mutekiwa. Ma vona? Swingaleswi hi kuma leswaku ku vitana hinkwako, kun'we eka *leswi*, loku eka *sweswo*, na lokuya eka *leswiya*. Xikwembu xi le ku vitaneleni ka kereke ehandle ka misava; e...ku vitana kereke eka kereke ya xidinominexini ku nghena eka Pentekosta; na ku vitaneli Mutekiwa ehandle ka Pentekosta. Ma vona?

<sup>62</sup> Kukotisa Luther, Wesley, na sweswi. Ma vona, hinkwaswo swi fananisiwile hi ku hetiseka nakona ku hava xihoxo mayelana na swona. Ndzi bile hinkwako ku rhendzeleka hi makumu ya swona, na matlhelo ya swona, na le ndzeni na le handle ka swona, na ku kombisa hi Tsalwa, nonganoko wa swona, ku kondza hi tiva leswaku swi Ntiyiso hi ku hetiseka. Ma vona? Ku hava xihoxo. Sonto ndzi navela leswaku Xikwembu xi swi nwelerisa endzeni-ndzeni leswaku mi nga pfuki mi kotile ku ya ekule na swona. Ma vona?

<sup>63</sup> Sweswi, Xikwembu xi le ku nyikeni ka xitshinyo, "Lulamiselani ku avanyisa." Tibomo ta athomiki ti le tihangareni, swilo hinkwaswo swi tshamile swi lunghekile. Kutani Xikwembu, loko Xi nga se pfumelela nchumu lowu wu humeleta, Xi endla ku vitaneli ehansi, tani hilaha Xi nga endla hakona eSodoma, "Humani eka rona. Tilulamiseleni. Ku na swin'wana leswi swi yaka eku humeleteni."

<sup>64</sup> Kukotisa hi masiku ya Nowa, loko Xikwembu xi nga se rhumela mamati ku ya herisa misava hi ndhambhi leyikulu ya

misava leyi a yi sukile yi nghena evudyohweni, tani hilaha Yesu a nga swi vula erivaleni leswaku a kuri siku ro kotisa leri. “Tani hilaha a swi ri hakona hi masiku ya Nowa, swi tava tano eku vuyeni ka N’wana wa munhu.” Hilaha vavasati eka mphesamphesa, na—na ku tekana na ku hlomisana, na—na ku fikelela lokukulu ka xisayense, na swidyondzeki swo tlhariha leswi swi yaka eka tlhelo ra swa vutlharhi, kutani Ntlhambhi lowuntsongo wo titsongahata wu tshamile eka tlhelo rin’we wu rindzerile ku avanyisa loku ku nga yimeriwa na ku baleka. Nakona loko Xikwembu xi nga se rhumela ku avanyisa kwaloko, Xi rhumerile muprefeta.

<sup>65</sup> Ntsena tani hilaha Xi nga swi endla eka Hezekiya, Xi te, “Tilulamisele, hikuva ku avanyisa ku lulamerile ku wa.”

<sup>66</sup> Nakona u endlile vanhu va lulamela nkarhi. Nowa u endlile vanhu va lulamela, nakona a kuri ku vitana ka ntsetselelo loko ku nga seva na ku avanyisa.

<sup>67</sup> Ninivha ri endlife leswaku ri swi tiva nkarhi wa rona wu nga se fika. Xikwembu xi langutisile ehansi eka Ninivha, kutani Xi ku, “Ndza—ndza nyenyetseka na ku karhala hi swilo leswi.” Ndza—Ndza—Ndza swi twisia leswaku—leswaku e...hambi leswi liya yikulukumba, ya vuheneni, misava ya Vamatiko... Doroba ra vona, tani hilaha a ri ri xiswona hi masiku lawaya, a va va avanyisa hi doroba; sweswi swi hi matiko, sweswi endzhaku ka loko vaaki va tava va hangalakile hi ndlela leyi va ngava hakona. Xi ku, “Doroba leriya ra kahle ri nyiketiwile, hinkwaro ka rona, evudyohweni.”

<sup>68</sup> Kutani Xikwembu, loko Xi nga se rhumela ku avanyisa, Xi rhumele hungu ro tshinya, “Humani eka rona! Mi lulama!” Langutisani, muprefeta a nga kalanga a vula nchumu handle-handle ka ku kuma... U te, “Ku nga se hela makume mune wa masiku doroba leri ri tava ri herisiwile.”

<sup>69</sup> Nakona, oho, hilaha nkarhi wun’wana swi nonohwaka hakona ku endla swilo swo tani hi sweswo, ku byela vanhu. Loko muprefeta a nga langutisi, u ta nghena ekhombyeni, hikuva u tava tani hi ku ya eka tlhelo rin’we, ku ringeta ku swi endla swi olova, kumbe ku xavelela swintsongonyana lahawani na swintsongonyana lahaya. Kambe muprefeta wa xiviri loyi a nga na ntshamiseko wo huma eka Xikwembu, a nga fanelanga ku xavelela nchumu, u fanele ku swi andlala hi ku hetiseka eka layini.

<sup>70</sup> Xexo hi xona xivangelo xo va Xi tirhisile moywa Eliya swonghasi, ma vona, hikokwalaho kova moywa luwa minkarhi hinkwayo a wu hetisekisa swileriso swa Xona. Ma swi vona? Ma vona, wu tisile swileriso swa Xona ntsena hi ku kongoma leswi a Swi ri xiswona, nakona minkarhi hikwayo ku “Vuyelani endzhaku eRitweni!” Ma vona? Minkarhi hinkwayo ku va vuyisela eRitweni.

<sup>71</sup> Sweswi, hi kuma Ninivha evudyohweni. Nakona muprefeta a sihalala hikuva a ri ri misava ya Vamatiko, ma vona, a ri ri tiko ra Vamatiko, vanhu Vamatiko; ku ngari ra yena n'winyi, a ri ngari Vaheveru. A va ri Vamatiko. Xikepe lexikulu, hlaluko wa swa mabindzu lowu Ninivha a ri ri wona, mumaki lebyikulu bya swa vunjoveri lahaya, vanhu a va njovela. Nakona—nakona a va—a va ri na . . . va tava va vile na tiko lerikulu ra vudyoho lahaya. Mali yo tala; kutani—kutani laha mali yi nga tala, na vanhu va ri eka mavonele yo duma ya siku lero, vudyoho minkarhi hinkwayo bya nghena, na madzolonga.

<sup>72</sup> Xikwembu a xi karhele hi rona. Swingaleswi a Xi ri na muprefeta etikweni, swingaleswi Xi byerile muprefeta wa Xona, “Rhelela le Ninivha kutani u ya huwelela, u ku, ‘Ku nga se hela makume mune wa masiku doroba ri ya eku herisiweni.’”

<sup>73</sup> Sweswi, Yonas a ehleketa sweswi, “Wa swi tiva, ndzi nga nghena ekhombyeni rintsongo.” Swingaleswi a lava ku va na ntiiyiso wo tala, swingaleswi u ehleketele leswaku u ta teka holideyi leyintsongo kutani—kutani a rhelela eTarraxxi. Nakona hi kuma leswaku e . . . a kuri na makume mune wa masiku ntseña lawa a ya sele. Ma vona?

<sup>74</sup> Swingaleswi Hungu i ra xihatla, nkarhi wu le kusuhi. Mi nga tlangi ku rhendzeleka hi swilo swin’wana kutani mi kuma digiri ya Bachelor of Art na ku kumisisa swin’wana. Awara yi le kusuhi! Sweswo hi leswi swi nga xiphiqo hi vanhu namuntlha, hi le ku ringeten ka ku aka swikolo leswikulu na ku va na swilo leswikulu swo kotisa sweswo. Loko ntsetselelo . . . Mina! Loko hi chumayela hi ku Vuya ka Hosi, xana hi lava swikolo ha yini? Hi lava ku hundzuka ku kongoma Xikwembu! Ma vona?

<sup>75</sup> Tani hilaha Hudson Taylor a nga byela mumixinari lontsongo, a ku . . . Kumbe, mufana lontsongo wa Muchayina u yile eka yena, a ku, “Nkul. Taylor,” a ku, “Hosi Yesu u ndzi tatile hi Moya wa Yena.” A ku, “Ndzi—ndzi tsakile swinene!” A ku, “Xana ndzi nga teka khume ra malembe sweswi kutani ndzi kuma tidigiri ta mina na ku ya emahlweni-ke?”

<sup>76</sup> Yena a ku, “Jaha, u nga yimeli tidigiri. Loko khandlele ri lumekiwile, famba u ya Ri vula! Famba u ya Ri vula. U nga yimeli tidigiri. Ee, u tava u pfurhile hafu loko u nga se heta, hi tidigiri ta wena.”

<sup>77</sup> A hi nge, loko ri lumekiwile, loko mi nga tivi swin’wanyana, ntseña vulani hilaha ri nga lumekiwa hakona. Nakona ntseña—ntseña mi nga ringeti ku teka ndhawu ya munhu un’wana, kumbe ndhawu ya nchumu wun’wana. Loko mi swi tiva, ntseña vulani leswi mi tivaka swi ri Ntiiyiso, “Leyi i ndlela leyi Ri nga tisa xiswona eka mina, nakona leswi hi leswi ndzi nga titwisa xiswona hi mayelana na Rona.” Sweswo i . . . Loko mi nga tivi swo tala ku tlula sweswo, vulani sweswo! A hi fambeni! Hungu i ra xihatla, nkarhi wu le kusuhi.

<sup>78</sup> Sweswi, a swi tava njhani loko Esaya a lo, “Kunene, sweswi ndzi ta yima kutani ndzi vona hilaha a hanyaka hakona na tshumba leriya, ku sungula, ma swi vona. Ndzi vona hilaha—hilaha swi...”?

<sup>79</sup> Ma vona, Xikwembu xi n’wi byerile, “Famba ehenhla lahaya u ya n’wi byela, kona sweswi!” Ma vona?

Nakona Xi byerile Yonas ku va a famba. Oho, mina!

<sup>80</sup> Kute loko a fika ehandle lahaya endzeni ka lwandle-nkulu leriya na le lwandle leriya ro enta, nakona—nakona xikepe xi khwekerile eka mheho, nakona a va hayekile seyila kutani va rhendzeleka na ku rhendzeleka, va tivutisa leswaku xana xiphiqo hi misava a kuri yini kwalahaya. Kambe a va nga koti ku huma, a swi languteka ingaku nchumu luwa a wu sungula ku tala hi mati. Nakona—nakona wanuna un’wana na un’wana a ri karhi a vitana xikwembu xa yena, kutani nchumu wo sungula lowu mi wu tivaka... Yonas a ri eka holideyi ya yena, swingaleswi a ehleketa leswaku a nga ha tietlelela, kutani a nga ha va a rhelerile ekhumbini ra mindzilekano ya xikepe, na ku badama kwalahaya na milenge ya yena yi yimiseriwe ehenhla, a etele. Kutani a ku, “Pfuka, O wena lolo, kutani u huwelela Xikwembu xa wena!” Kutani Yonas a swi tiva leswi a swi hoxekile.

Swingaleswi na munhu un’wana na un’wana wa swi tiva leswi nga hoxeka namuntlha! Ma vona?

<sup>81</sup> Kutani a ku, “Hinkwaswo i xihoxo xa mina. Ndzi tekeni kutani mi ndzi boha mavoko ya mina, kutani mi ndzi hoxa elwandle, kutani khombo leri ri ta miyela.” Nakona a va ri tani hi ntlawwa wa tinjchingha ta vanakulorhi nakona a va nga swi lavi ku endla sweswo, kambe va swi kumile leswaku a ri muprefeta nakona a swi tiva leswi a vulavula hi swona. U te, “A ndzi—ndzi ehleketa leswaku ndzi rhanga hi ku teka holideyi ya mina, kambe—kambe Hosi a yi swi lavi leswaku ndzi teka holideyi leyi. Ndzi fanele ku fika ehansi lahaya, ndzi na ntirho wo wu endla. A ndzi ehleketa leswaku ndzi ta wisa switsongonyana loko ndzi nga se ya, kambe ndzi fanele ku famba. E—e hungu i ra xihatla, ndzi fanele ku fika kwalahaya.”

<sup>82</sup> Ndzi nga anakanya, loko hlampfi liya yi nga lulamisiwa yi fikisile Yonas endzeni ka khwiri ra yona, yi endlile kwalomu ka xikandza kutani yi haxa mati ehenhla ka tiko hinkwaro, kutani yi suka yi kongoma eNinivha hi matimba hilaha a kota ku famba hakona. Xikwembu a xi ri karhi xi yisa hungu leriya kwalahaya hi hlampfi liya yi nga lulamisiwa. Nakona yi sukile yi kongoma eNinivha ntsena hi matimba hilaha a yi kota ku famba hakona, hikuva a yi ri—yi ri na murhumiya endzeni nakona a yi fanele ku n’wi fikisa kwalahaya. U tekile xikepe xo hoxeka, kambe Xikwembu xi n’wi tiserile xikepe.

<sup>83</sup> Swingaleswi, ma swi tiva, Xikwembu xa swi kota ku endla swilo leswikulu loko ntsena u nga Xi yingisa. Ma vona? Xi—Xi

nga endla Xi nga endla tindlela laha ku nga riki na ndlela. *Hi xona Ndlela. Ma vona? Kutani loko Hungu hakunene ri ri ra xihatla, tani hilaha Ri nga xiswona namunlha, Xikwembu xi endla ndlela.*

<sup>84</sup> Ha swi xiyisia nakambe loko Amos...Ndzi chumayerile hi nakulorhi loyi, Amos. Loko mi nga tsakela ku hlaya xitori nkarhi wun'wana, xi kahle, hlayani xitori xa Amos, kavanyisa ko rhanga ka Amos. Hi yena xifananiso xin'wana xa—xa switshinyo loko ku avanyisa ku nga se ba xidyoho. Sweswi, doroba leri a ya eku ri tshinyeni, kwalahaya, a kuri ntlawa wa Vayuda lava—lava hinkwavo va ngava tani hi kuva va humile eka ntila lowu nga biwa nakona a ri hundzukile ndhawu leyikulu ya vupfhumba. Kutani—kutani ndza swi anakanya, tani hi loko ndzi nyika xikombiso mixo luwa, loko ndzi vulavula hi yena, leswaku, loko nhloko ya yena ya mpandlhia yi humeleta ehenhla ka xiganga nakona mahlo ya yena lamantsongo ya khale ya hungutana loko a langutisa ehansi kutani a vona vudyoho bya tiko lerija rikulukumba na vanhu, malevhu ya yena yo basa loko a ri karhi a ya khomakhoma kukotisa xisweswo. Mina, i nechumu muni! Kambe a ku na loyi a ku tivaka lomu a humaka kona.

<sup>85</sup> A ku na loyi a va tivaka vaprofeta lavaya, ntsena vo pfuka ku suka kun'wana kutani va famba hi ndlela leyi fanaka.

<sup>86</sup> Kambe u yile e dorobeni na “LESWI SWI VULAKA HI HOSI! Hundzukani, kumbe mi lova! Hikuva Xikwembu xi ta herisa tiko leri. Xi ta—Xi ta sula ndhawu leyi yi suka emisaveni. Mi endlile ntwanano na nala wa n'wina. Nakona mi na—mi na kurhula, mi ehleketa tano, na nala wa n'wina, kambe nkarhi lowu hinkwavo Vasiria va le ku—ku akeni ehandle lahaya. Mi ngaka mi nga fambi mi ri vambirhi swin've ehandle ka loko mi pfumelelanile. Hi sweswo ntsena.” Swingaleswi u te... .

<sup>87</sup> Kutani Xikwembu xi lava leswaku hi tihambanisa. Xi lava leswaku hi “huma emisaveni,” ku ngari ku ringeta ku hanya na misava na xona Xikwembu, ku ngari ku ringeta ku landzelela fexini ya misava na ku landzela Xikwembu. Mi fanele ku hanyela Un'we kumbe loyi un'wana, mi fanele ku pfumela Un'we kumbe loyi un'wana.

<sup>88</sup> Kutani sweswi hi kuma leswaku, Amos loyi, hakunene u vhumbhile ku avanyisa ehenhla ka vanhu ehandle ka loko vo hundzuka. (Nakona—nakona, mina, swi fanelia siku ra hina swonghasi—swonghasi.) Ndzi ehleketa leswaku doroba leri lerikulu, tani hi loko hi langutisa endzhaku eka leswi nakambe, doroba lerikulu ehansi lahaya, hilaha a ri nyiketiwile hinkwaro hakona, na—na ikhonomi leyikulu leyi a vari na hinkwaswo, va humelerile. Nakona a va ehleketa leswaku va le ka ku rhandza ka Hosi hi ku kongoma, hikuva a vari eku humeleteni. Kambe va swi kumile leswaku Xikwembu a hi minkarhi hinkwayo laha

xi nga musunguri wa ku humeleta. Ee, Xikwembu... Minkarhi yin'wana loko ku humeleta ku ba tikereke, ti ya ekule na Xona.

<sup>89</sup> Ma swi tiva, Xikwembu xi vulavurile na Israel nkarhi wun'wana, xi ku, "Ndzi ku kumile u ri ni ngati ensin'wini, kutani Ndzi ku hlantswa na ku ku nghenisa endzeni," ku va n'wana wa Xona N'winyi. "Kute loko u kurile, na ku va wanhwana wo saseka, u tlangile xiphemu xa nghwavava." Xi ku, "U—u—u tinyiketile eka muhundzi wa ndlela un'wana ni un'wana." Ma vona? "Kambe loko u ri evuswetini na ku pfumala—loko wa ha pfumala, a wu Ndzi tirhela. Kambe loko Ndzi ku katekisile na ku ku nyika hi xitalo, kutani u yile ekule na Mina." Nakona swi khorwisiwile ntsena hi ndlela yaleyo. Oho, mina!

<sup>90</sup> Sweswi, hi kuma leswaku muprefeta loyi hakunene u bile ehansi eka tiko leriy, Amos loyi. A ri ntsena mufana wa puluhu. Kambe hi kuma leswaku loko a tava a swi endlile, ku ba ehansi na ku va byela leswi swi nga tava swona, na ku va byela leswaku loko va nga lulamanga na Xikwembu leswaku nala loyi va nga n'wi teka eka xinakulobye u tava yena loyi a nga ta va herisa.

<sup>91</sup> Sweswi hi kuma leswaku Amerika ya hina ya ku tinyungubyisa a yi nge byi balekeli vukarhi bya Xikwembu. Tani hilaha ndzi nga swi vula siku rin'wana hi mpfhuka ka loko ndzi vile lahawani, ndza tshembha leswaku a kuri kwala, hi swilo hinkwaswo emakumu. Ma swi tiva—a ndzi voni nchumu wo aka eka wona. Mi ngaka mi nga aki eka tipolotiki, ti fambile. Mi—mi ngaka mi nga aki eka vutomi bya vuxaka bya vanhu, hikuva byi susiwile mikhuva leyinene swonghasi. Ku—ku—ku hava nchumu lowu mi nga akaka eka wona lahaya. Nakona mi ngaka mi nga veki ku tshembha eka nchumu lowu nga riki kona.

"Kereke yona-ke?"

<sup>92</sup> Kunene, mi ngaka mi nga endli nchumu hi kereke, i ya ximfumo swonghasi nakona yi fambile, a ku salanga nchumu. Va hetile ku xavisa timfanelo ta vona ta ku tswariwa hikokwalaho ka thyaka ra xiculu, nakona va yimerile ntsena ku avanyisiwa. Moya lowo Kwetsima wu tsemakanyile tiko ler, wu ri karhi wu kombisa swikombiso swa Wona na swihlamariso, nakona va ya emahlweni va tsan'wa tintswalo ta Wona. Wu titiyisisa hi Woxe na ku khorwisa, hi ku tiyisisa lokukulu ka Wona, leswaku hi Wona Rito ra Xikwembu leri vonakariswaka eka siku leri. Nakona va tama va ha Ri ala. Ma vona? A ku na nchumu lowu nga sala sweswi. Ntsena mi ngaka mi nga endleli Xikwembu sweswo minkarhi hinkwayo. Ma vona?

<sup>93</sup> Swi lulamile, hi kuma leswaku, ro sungula, Xi rhumela vaprefeta va Xona ni xitshinyo. A Xi cinci ndlela ya Xona, maendlele ya Xona yo endla swilo.

<sup>94</sup> A xi tshami xi ri karhi xi ba loko Xi tshinya. Ndzi lava leswaku mi langutisa ntshaho lowu. Xikwembu xi nyika

xitshinyo kambe a Xi tshami xi ri karhi xi ba hi nkarhi wolowo Xi tshinya ka hi wona. Xana mi kale mi swi xiyisisa sweswo? Kutani loko Xi nga bi loko Xi rhumela xitshinyo, kutani muprofeta wa hlekuriwa, “A wu ngari na Rona. U vurile vunwa. A wu-wu nga lulamanga.”

<sup>95</sup> Nchumu wolowo wu fanaka wu nga hava wu vuriwile eka—eka Esaya. Xana mi ehleketa leswaku wanuna luya a ehleketa yini loko a ya ehenhla lahaya kutani a profeta leswaku hosi a yi “ya eku feni,” kutani a rhelela endzhaku kutani a ku, “Ee, u ya eku hanyeni”?

<sup>96</sup> Mi ri yini hi Yonas loko a ri karhi a famba hi switarata, a ri karhi a ku, “Oho, doroba leri ri ya eku herisiweni ku nga se hela masiku yo karhi, makume mune wa masiku,” kutani Xikwembu xi nga swi endli?

<sup>97</sup> Ma vona, mi fanele ku langutisa, Xikwembu a xi tshami xi ri karhi xi ba loko Xi tshinya. Kambe Xi . . . Ku na nchumu wun’we, kutani muprofeta wa hlekuriwa. Kambe loko a ri muprofeta loyi a nga tiyisisiwa hi Rito ra Hosi, ma vona, swikombiso swa Xikwembu, swi tiyisisiwile, tani hilaha Xikwembu xi nga vula leswaku muprofeta u tava a tiyisisiwile (lahha vavanuna lava a va tiyisisiwile), ma vona, Rito ra yena a hi ra yena, kambe i Xikwembu, nakona ri ta humelela. Ri fanele ku humelela loko Ri ri Rito ra Xikwembu. Ku na nchumu wun’we lowu wu nga ri yimisaka, wolowo i ku hundzuka ka xihatla.

<sup>98</sup> Xiyisisani, Amos, u—u hanyerile ku vona vuprofeta bya yena, kambe loko Amos a vulavula hi doroba leriya, hilaha a swi ta humelela hakona, hilaha Xikwembu a xi ya eku vangeni ka ku va Vasiria va nghena na ku va vutla, na ku ya emahlweni kukotisa sweswo, na hilaha manyala ya vona vinyi a ya ta va dya. Hikokwalaho ka yini, ndzi pfumela leswaku loko a kuri kona sweswi . . . Ndzi langutisile ehansi lahawani ehenhla ka Tsalwa, nakona loko ndzi swi hlayerile kahle leswi, hi kwalomu ka makume ntlhanu wa malembe endzhaku ka loko Amos a profetile. Kutani, sweswi, xana mi ehleketa yini? Rixaka hinkwaro ri hundzile vuprofeta bya Amos byi nga se humelela. Kambe loko mo hlaya lahawani, ya mi byela, nakona swi humelerile ntsena hi ku kongoma rito hi rito leswi a nga swi vula. Ma vona?

<sup>99</sup> Yohana u vonile Buku ya Nhlavutelo. A yi humelelanga hi siku ra yena. Kambe hi yi vona yi ri karhi yi humelela ntsena hi ku kongoma. Ma vona?

<sup>100</sup> Daniel u profetile hi siku leri, hi siku ra yena na ku rhelela ehansi. A nga kalanga a hanyela ku ri vona. Xi te, “Famba hi ndlela ya wena, Daniel. Khubumeta buku—buku, nakona—nakona u pfala buku. Kutani u ta etlela endhawini ya wena, kambe hi siku lero u ta yima.” Ma vona?

<sup>101</sup> Sweswi, ma swi vona, e...a mi tshami nkarhi hinkwawo mi ri...Xikwembu...xi ba xikan'we-kan'we loko Xi profeta. Vuprofeta bya Amos, tani hilaha ndzi nga vula, a byi ri endzhaku ka makume ntlhanu wa malembe, byi humelela. Kambe byi humelerile!

<sup>102</sup> Kutani muprofeta i e—i e...wa Bibele...Wa xiviri, muprofeta wa mampela i munhu wo hlawuleka. Ku ngari "ku hlawuleka," ku va ku hambana kwihi na kwihi eka mani na mani, kambe u na ntirho wo hlawuleka. Ma vona? Nakona, ku va na xileriso xo hlawuleka, u fanele ku va wo hlawuleka (ku huma endleleni swintsongo eka lavan'wana) ku va a ta kota ku endla sweswo.

Ntsena swi fana na hilaha Xikwembu xi nga fananisa *vaprofeta* va Xona ku va "gama."

<sup>103</sup> Sweswi, gama i xinyenyana xo hlawuleka. Xo va xinyenyana, kambe i xinyenyana xo hlawuleka. Nakona xi kota ku hahela ehenhla ku tlula swinyenyana swin'wana. Xi kota ku vona ekule ku tlula swinyenyana leswin'wana. Kutani, sweswi, ku va xi ya ehenhla-henhla, xi fanele ku va xi akekekile leswaku xi kota ku ya ehenhla-henhla. Nakona xana hi swihi swa kahle leswi a swi ta xi endlela swona ku ya kwalahaya ehandle ka loko xi kota ku vona leswi a xi ri eku swi endleni endzhaku ka loko xi fikile kwale henhla? Ma vona? Swingaleswi xi fanele ku va xinyenyana lexi nga akeka ku hlawuleka. Ma vona? Xi muxaka wa ku va eka—eka ndyangu wa swikhozani, hi xona "muhandzuri hi nomo." Nakona xi dya e...swo tala swa swona i swidyi swa leswi swi kumekaka swi file. Ku na kwalomu ka makume mune wa tinxaka to hambana-hambana ta magama.

<sup>104</sup> Kambe, ma swi vona, ekerekeni ku na mufundhis, nakona mufundhis yaloye i munhu wo hlawuleka. U akekile ku fika laha a nga—a nga kotaka ku tiyiselana na timholovo ta vanhu. Hi yena—yena—yena murhwali wa mindhwalo, hi yena nkavi ya xipani. Hi yena—yena wanuna loyi a nga tshamaka ehansi loko e... un'wana a ri na swin'wana ku lwsana na un'wanyana, kutani a tshama ehansi na mindyangu leyimbirhi (nakona a nga teki tlhelio na rin'we) kutani a swi ahlula na ku swi tisa eku tsokombeleni. Ma vona? Hi yena—yena mufundhis, wa swi tiva leswaku swilo swi lulamisiwa njhani.

<sup>105</sup> Muevhangeli i wanuna wo hlawuleka. Hi yena wanuna loyi a pfurhaka kukotisa bolo ya ndzilo. U tsutsumela edorobeni kutani a chumayela hungu ra yena, kutani a huma kwalahaya kun'wana. Ma vona, hi yena wanuna wo hlawuleka.

<sup>106</sup> Mudyondzisi i wanuna wo hlawuleka. U tshama endzhaku ehansi ka ntoto wa Moya nakona wa swi kota ku teka Marito a ma veka kun'we hi Moya lowo Kwetsima, leswi, mufundhis kumbe muevhangeli, un'wana na un'wana wa vona, a nga taka a nga pimeki na yena.

<sup>107</sup> Kutani, hi kuma leswaku, muapostola i wanuna wo hlawuleka. Hi yena—hi yena “muveki-hi-ntshamiseko.” Hi yena wanuna loyi a nga rhumiwa ku suka eka Xikwembu ku ta veka swilo hi ntshamiseko.

<sup>108</sup> Muprefeta i wanuna wo hlawuleka. Muprefeta i wanuna loyi Rito ra Xikwembu ri taka eka yena, hikuva muprefeta u akiwile (vutomi) lero ku titwa ka yena loku ku nga helelangiki na ku titwa ko sungula swi le kusuhi swonghasi lero a nga yi eku etleleni ku va a lorha norho wa yena, u wu vona loko a hanyanyile. Ma vona? Sweswi, walowo i nchumu lowu Xikwembu xi faneleke ku wu endla. Ma vona, u vona leswi nga eku fambeni.

<sup>109</sup> Muprefeta u vhumbha swa le kule, ma vona, swilo leswi swi nga eku teni. U vona xinwelo xa vukarhi bya Xikwembu, xi tele, loko xi nga se tatiwa. Ma vona? A nga ku, “LESWI SWI VULAKA HI HOSI! Xikwembu xi ta herisa tiko leri ehandle ka loko mo hundzuka.” Hikokwalaho ka yini? Hi yena gama. U khandziyela le kule le. Ma vona? Nakona u langutisa le kule kutani a vona xinwelo lexiya xa vukarhi xi ri karhi xi chuluriwa. Sweswo hi leswi muprefeta a nga langutisa swona. A nga langutisanga leswi swi nga eku humeleleni lahawani, u langutisile le kule! U le ku vuleni ka leswaku, “Swi le ku teni!” A nga ya ehenhla swonghasi ku kondza a kota ku vona ndzhuti luwa. U te, “Misava yi ta zwihsala—munyama nakona munyama lowu nga tsakisiki.” U le henhla ku ringanelo, dyambu ri le ku voningeni sweswi, kambe u vona ndzhuti luwa wu ri karhi wuta, nakona u le—u le—u le ku vuleni ka leswi a nga swi langutisa. A swi se va lahawani, kambe hakunene swi tava kona! Hi swona sweswo. Wu tava kona, munyama lowu nga tsakisiki ehenhla ka vanhu. Wa swi tiva leswaku wu le kuteni, malembe lawa ya nga ekule, hambiswiritano wa wu vona.

<sup>110</sup> Amos, muprefeta luya wa mutotiya wa Xikwembu, u vonile e—e munyama na ku avanyisa. U vonile Siria ri rhelela ehansi na tigolonyi ta rona kutani ri kukula kwallahaya, ri dlayela vanhu lavaya. U ri vonile ri ta na ku avanyisa ka Xikwembu ehenhla ka vona, sweswi, makume ntlanu wa malembe loko swi nga se humelela. Kambe, ma swi vona, ku va a ri muprefeta, u tlakuseriwe eXimoyeni kutani a swi vona swi ri ekule. Ma vona? U vonile xinwelo, xi tele, loko xi nga se tatiwa.

<sup>111</sup> Kukotisa Abraham. Xikwembu xi byerile Abraham, “Mbewu ya wena yi ta ta etikweni leri kutani yi endzela lahawani ku ringana mune wa madzana ya malembe, kutani Ndzi ta va humesa hi voko ra matimba, hikuva ku homboloka ka Vaamori a ku se tala.” Ma vona? Xikwembu a xi swi tiva leswaku xinwelo lexiya a xi ya eku taleni. A xi vulavula na muprefeta wa Xona, Xi n’wi byerile sweswi, “Wa xi vona xinwelo lexiya xa Vaamori lahaya ehansi,” ma vona, “kambe ku homboloka ka vona a ku se tatiwa, Abraham. U nga vuli nchumu hi mayelana na swona

sweswi, yimanyana, kambe swi ta ta. Kutaku loko xinwelo xa vona xi tele, na wona mune wa madzana ya malembe, Ndzi ta va humesa ehandle kukotisa tinjiya emahlweni ka wena, nakona Ndzi ta simeka mbewu ya wena kwala tikweni leri.” Amen! Yaloye i muprefeta wa Hosi.

<sup>112</sup> Sweswi, loko a vulavula hi xivono xa yena, hambi i vukarhi hambi i ku horisiwa, xi nga ha hlwela, kambe xi fanele ku humelela loko a xi vula hi Vito ra Hosi. Ma vona? Ku nga hava kuri nkateko lowu a wu vulaka eka n’wina. A nga ha mi byela nchumu wo karhi, nakona mi ngaka mi nga wu voni na swintsongo. Mi ri, “Xana swi nga endlekisa ku yini? Hikokwalaho ka yini, hi swona...Ndzi—ndzi—ndzi...U ndzi byerile leswaku, ‘LESWI SWI VULA HI HOSI, “*Leswi* swi ya eku humeleteni, nakona *leswi* a swi ya eku humeleteni,”” nakona a swi humeletanga. Wanuna loyi wa hoxisa!” Sweswi mi ta avanyisiwa hikokwalaho ko ka mi nga Swi pfumeli, kambe swi ya eku humeleteni hambiswiritan! Ma vona? Swi fanele ku humelela!

<sup>113</sup> “Hambi loko swi hlwela,” Bibele yi te, “swi ta vulavula hi nguva ya swona.” Swi ta humelela.

<sup>114</sup> Muprefeta ntsena u langutisile ekule nakona u le ku voneni ka swin’wana. U le ku vulavuleni hi mayelana na leswi a nga swi langutisa. A nga ehleketa hi lahawani na leswi mi langutekisaka xiswona sweswi, u langutisile leswi swi nga tava xiswona. Kutani loko a vulavula sweswo, loko swi ri eRitweni ra Hosi, swi va swi vuriwile khale nakona ku hava nchumu emisaveni lexi xi nga ta swi yimisa (ma swi vona, hi swona sweswo,) ntsena Xikwembu hi Xoxe.

<sup>115</sup> Xiyisisani, sweswi hi kuma leswaku loko... U—u vulavula xivono xa yena, muprefeta wa swi endla. Sweswi, minkarhi yin’wana u vulavula swilo swa kahle, u vulavula hi ku horisiwa ka n’wina. Swi lulamile, mi nga ha ehleketa, “Ntsena swi ngaka swi nga humeleli, a ndzi antswi na swintsongo.” Kutani xana sweswo swi endla yini? Sweswo swi tisa ku avanyisa ka Xikwembu ehenhla ka wena. Hi swona sweswo. Ma vona? Yesu u tshembhisile ku mi ponisa loko mi nga Swi pfumela; loko mi nga Swi pfumeli, a swi nge—a swi nge humeleti eka n’wina. Mi fanele ku Swi amukela, mi fanele ku Swi pfumela. Ma vona? Nakona mi fanele ku switiva ku suka laha Swi humaka kona, sweswo swi nyiketa ripfumelo ra n’wina eka Xikwembu; kumbe, muprefeta wa n’wina. Ma vona? Mi fanele ku Swi pfumela.

<sup>116</sup> Kutani sweswi ha swi kumisia lahawani, leswaku vaprefeta lavawani lava a va vulavula, va—va vulavurile nakona leswi va nga swi vula swi humelerile. Nakona loko vukarhi bya Xikwembu byi chululeriwa ehenhla ka vanhu, ku na nchumu wun’we ntsena... Loko muprefeta yaloye a vurile leswaku nchumu wun’wana a wu ya eku humeleteni, ku na nchumu

wun'we ntsena lowu nga ta yimisa voko ra Xikwembu, sweswo i ku hundzuka. Sweswo i ku hundzuka ku kongomana na Xikwembu, sweswo swi yimisa vukarhi bya Xona. Sweswi, mi nga byi yimeli, swi endleni hi nkarhi wolowo! Xikwembu xi vula nchumu wun'wana na wun'wana, mi wu endla hi nkarhi wolowo.

<sup>117</sup> Hezekiya, xikan'we-kan'we loko a swi tivile... A ri wanuna wa kahle, kambe Xikwembu xi te, "Nkarhi wa wena wu fikile, Hezekiya, nakona Ndzi—Ndzi fanele ku ku teka. Ndzi—ndzi lava ku swi endla, Ndzi ya eku ku tekeni. Veka yindlu ya wena hinkwayo eka ntshamiseko."

<sup>118</sup> Kutani u—u—u te, "Swi ta ndzi tekela khume ntlhanu wa malembe ku endla sweswo, Hosi." Ma vona? "Sweswi, hi Wena... Ndza—ndza—ndza swi tiva leswaku ndzi le ku fambeni, kambe swi ya eku ndzi tekeleni ka khume ntlhanu wa malembe ku veka yindlu ya mina eka ntshamiseko. Ndzi ngaka ndzi nga swi endli sweswi. Ndzi—ndzi hava nkarhi wo swi endla. Ntsena ndzi—ndzi—ndzi ngaka ndzi nga koti ku swi endla. Hosi, ndzi pfumelele ku hanya malembe yan'wana ya khume ntlhanu leswaku ndzi ta endla nchumu lowu. Ndzi ngaka ndzi nga yi veki yindlu ya mina..."

Ma vona, xileriso xa Xikwembu a kuri leswaku, "Veka yindlu ya wena eka ntshamiseko!"

<sup>119</sup> Kutani Hezekiya u te, "Ndzi ngaka ndzi nga swi endli eka lembe leri, swi ya eku ndzi tekeleni ka nkarhi. Ndzi ta tlherisela *leswi* endzhaku, na ku endla *leswi* kutani ndzi swi yisa eka nakulorhi loyi lahawani, swi ta ndzi tekela khume ntlhanu wa malembe ku swi endla. Ntsena ndzi tsetselele ku swi endla. Ndzi pfumelele... ndzi pfumelele... ndzi nyike xinkadyana xo swi endla." Ma vona?

<sup>120</sup> Kutani Xikwembu xi ku, "Ndzi tava—Ndzi tava—Ndzi tava—Ndzi ta olova." Kambe a fanele ku fa hambiswiritano, ma swi vona.

<sup>121</sup> Kutani nakambe, u tekile nkarhi wa yena, u wile hi nkarhi wolowo. Ma vona? Nakona a tava a antswile loko a lo famba ehandle ka ku va yi vekiwile eka ntshamiseko. Hi swona sweswo. Kambe Xi n'wi nyikile khume ntlhanu wa malembe yo engeteleta ku va a veka yindlu ya yena eka ntshamiseko. Hikuva, hi xihatla, xana u endlile yini? U te, "Hosi, ndza nonoka. Ndzi lava khume ntlhanu wa malembe yo endla leswi. U ndzi lerisile ku veka yindlu ya mina eka ntshamiseko. Ndzi ngaka ndzi nga swi endli eka khume ntlhanu wa malembe hikuva ndzi na xikweleti lahawani, nakona ndzi na *leswi* lahawani, nakona ndzi na *leswi* lahawani swo swi endla."

<sup>122</sup> Sweswi, a ri wanuna loyi a khongelaka, nakona Rito ra Xikwembu ri fanele ku humeleta hambiswiritano. Ri ya eku humeleti hambiswiritano, kambe Xi tshamile na Rona

xinkadyana, ma vona, xi Swi yimisa eka yena. Kutani u endlile xidyoho hi nkarhi wolowo. Xi ku, “A ndzi nge swi endli swi ta ehenhla ka yena, kambe Ndzi ta swi endzerisa eka vana va yena endzhaku ka yena.” Ma xi tiva xitori.

<sup>123</sup> Sweswi, hi kuma leswaku ku hundzuka ka xihatla minkarhi yin’wana ku yimisa vukarhi xinkadyana.

<sup>124</sup> Sweswi, hi kuma leswaku Ninivha... Xikwembu xi te, “Famba ehansi lahaya kutani u ya huwelela eka doroba leriya sweswi, kutani u va byela, ‘Loko... ku nga se hela makume mune wa masiku nchumu lowu wu ya eku weni.’” Kutani, mina, xana va hundzukile! Xikan’we-kan’we loko va vonile muprofeta luya a ri karhi a ta hi xitarata, a ri karhi a ku, “LESWI SWI VULA HI HOSI, ‘Ndhawu leyi yi ta wa ku nga se hela makume mune wa masiku! Ndhawu leyi yi ta wa!’” E...

<sup>125</sup> Hambi yi ri hosi yi lerisile ku—ku—ku titsona etikweni, ku rila, “Ambalani swiambalo swo khwaxa, tolani nkuma! Ku ngari ehenhla ka tinhloko ta n’wina vinyi na le henhla ka mimmiri ya n’wina na le henhla ka nyama ya n’wina, kambe ehenhla ka tihomu ta n’wina, ehenhla ka swivandzana swa n’wina swa le masin’wini, totani nkuma na swiambalo swo khwaxa.” I ku hundzuka ka njhani!

<sup>126</sup> Sweswi, loko hi swi kumisia lahay, ha xiyisia, loko muprofeta a nga langutisi hi xihatla, ma vona, a hlengeleta vutlharhi bya yena kun’we kutani a ya eka Xikwembu, u ta kuma swin’wana kwalahaya, loko u nga langutisi...

<sup>127</sup> Sweswi langutisani Esaya, ntsena u vulavurile vuprofeta bya yena, a tlhelela endzhaku eka lawu ra yena ra le mananga. Nakona, loko a swi endlile, Hosi a yi kalanga yi vulavula na hosi leyi a yi ri karhi yi khongela. Xi na ndlela yo endla swilo. A kuri na muprofeta etikweni. Rito ra Hosi ri ta eka muprofeta wa Xona. Yi yile ehandle lahay kutani yi ku, “Esaya, tlhelela u ya n’wi byela leswaku Ndzi xi yingisile xikhongelo xa yena. Ndzi swi twisisile leswaku swi... leswaku u ehleketa leswaku swi ta n’wi tekela khume ntlhanu wa malembe ku endla leswi. Ndzi vonile mihloti ya yena hikuva a lava ku endla ntirho hi mbilu hinkwayo. Swi ta n’wi tekela khume ntlhanu wa malembe, u vule tano, ku swi endla. Famba u ya n’wi byela leswaku Ndzi ta n’wi pfumelela a va na wona, manuku.” Ma vona?

<sup>128</sup> Hikokwalaho ka yini? Yi lerisile—Yi lerisile Esaya ku ya a ya n’wi byela, “LESWI SWI VULAKA HI HOSI!” Kutani loko kuri na ku cinca eka sweswo, kumbe ku hlwela... Swi ya eku humeleleni hambi swi ri tano; u—u file hilaha ku fanaka. Kambe yi te... Loko kuri na xin’wana na xin’wana eka sweswo, kutani Ya boheka ku vuyela endzhaku eka munhu loyi Yi nga rhumela LESWI SWI VULAKA HI HOSI eka yena. Yi byerile Esaya, “Tlhelela endzhaku lahay kutani u n’wi byela.”

<sup>129</sup> Sweswi, Yonas u tekile mavonele yo hambana, a khandziya ehenhla ka xiganga kutani a ku, “Kunene, a swi tava kahle loko a ndzi nga kalanga ndzi tswariwa.” Nakona, oho, hilaha a nga ya emahlweni hakona! Kutani Xikwembu a xi ri na rhanga lerintsongo leri yaka ehenhla kutani ri n’wi endlela ndzhuti ku kondza a hola kwale henhla. Kambe u te, “Sweswi, lahawani, ndzi yile ehansi lahaya, nakona va ta ku ndzi muprefeta wa mavunwa.”

<sup>130</sup> Kutani Xikwembu xi vulavurile na yena, xi ku, “Langutisa doroba leriya ehansi lahaya! Langutisa lahaya, Yonas, leswaku doroba hinkwaro ri le ku hundzukeni hi swiambalo swo khwaxa na nkuma.”

<sup>131</sup> Kutani Xi n’wi byerile hi rhanga lerintsongo na xivungu lexi xi nga wu tsemela ehansi. Siku rin’wana, loko Hosi yi swi rhandza, ndzi lava ku ta eTabernakeleni kutani ndzi teka nonganoko ntsena hi Yonas. Oho, ku na swo tala swinene swa kahle...moya luwa wa le vuxeni wu ri karhi wu hunga, na hinkwaswo. Oho, mina! Ku na swilo swo tala swinene kwalahaya, ntsena swi...swa nyanyula. Swona swicelwa kwalahaya, swi hi tinxaka hinkwato kwale ndzeni, swa ringanelia. Swi nghenisa hambi kuri Yesu Kreste eka swona, na swilo leswin’wana hinkwaswo. Hikuva, ntina wun’wana na wun’wana eBibeleni wu tisa Yesu Kreste. Ina, nkulukumba. Yaleyio i dyondzo ya hina ya Sonto, swingaleswi hi ta swi kuma sweswo, loko Hosi yi swi rhandza.

<sup>132</sup> Nakona xiyisisani, ku na swilo leswi mi...Loko mi tshembheka kutani mi byela Xikwembu...Sweswi, mi fanele ku langutisa.

<sup>133</sup> Sweswi ndzi lava ku mi kombeta Yonas un’wana eka platifomo vusiku lebyi.

<sup>134</sup> Vusiku byin’wana a kuri na vanhu lava va nga ta lahawani. Wansati wa kona a ngava (van’wana va vanhu va vona) a ri kona vusiku lebyi, swingaleswi a ndzi nge ri vitani vito ra kona, kumbexani mi nga swi tiva leswaku i mani. Kambe va ta lahawani, ntawa wa kahle wa vanhu ku suka ehansi le Kentucky, nakona va—va tile kwala malembe yo hlaya. Kambe vanhu lava, ku va va ri vanhu va kahle, vanghana va kahle va mina. Mina, a va ri—a va ri vanghana va xiviri va mina, kambe va... Ntsena wun’wana wa muxaka lowuya wa vanhu lava loko mpfuxelelo wu ri karhi wu ya emahlweni a kota ku ta ekerekeni; loko mpfuxelelo wu herile, nakona ndhwalo wu ri karhi wu koka, a kuri hava munhu loyi a ta koka. Nakona vanhu hinkwavo a va ri kwala eka ntehe, a va ri na...loko hi ri na tidyondzo ta hina na swin’wana.

<sup>135</sup> Kutani siku rin’wana ndzi vuyile ekaya, kwalomu ka mune wa malembe lawa ya nga hundza, kumbe ntlanu, swin’wana swo kotisa sweswo. Kutani nhwenyana loyi lontsongo, (loyi a

ri na kwalomu ka nhungu wa malembe loko a ri eka ntehe), u tekiwile na ku va na vana vambirhi. Nakona a etlele exibedlele ehandle lahwani, eka xiyimo xa rifu. A ri na kwalomu ka mune wa tin'hweti, ntlhanu, na n'wana; nakona n'wana a file, kutani a va nga ta endla vuhandzuri hikuva a ri na uremic. Nakona a nga ta endla vuhandzuri, swingaleswi a va boheka ku tshika manana a fa, na yena. A va ngata endla vuhandzuri, nakona, ma vona, n'wana a ta n'wi dlaya kukotisa xisweswo, swingaleswi a va boheka... a ri ekufeni, hi sweswo ntsena, a ku ngari na nkateko eka yena.

<sup>136</sup> Ndzi humile ndzi ya n'wi vona, a rhumerile eka mina. Kutani ndzi yile exibedlele, nakona a ri kwalahaya ehansi ka tende ra moya. Ndzi tlakusile lapi, ndzi vulavula na yena swintsongonyana, kutani ndzi ku, “Wa ndzi tsundzuka xana?”

A ku, “Kunene, Makwerhu Bill, ndza ku tsundzuka.”

<sup>137</sup> Ndzi ku, “Xana swi njhani e... Xana wa swi twisia leswaku u vabya njhani?”

A ku, “Ndza swi twisia.” A ku, “Hikokwalaho ndzi rhumerile eka wena.”

Ndzi ku, “Kunene, hikokwalaho ka yini, xana swi njhani hi wena na Hosi?”

A ku, “Makwerhu Bill, ndzi—ndzi... a ndzi—lulamelanga ku famba.”

<sup>138</sup> Kunene, kwalahaya hi yile ehansi kutani hi khongela, na manana wa yena na nuna wa yena, vo tala va vona ekamareni, kutani manana wa yena na nuna wa yena va sungurile ku rila. Nakona—nakona kutani ndzi—ndzi n'wi vutisile, kutani a lulama na Xikwembu (a hakela swihlambanyo swa yena kutani a vuya a ta endlela Xikwembu xitshembhiso; nakona loko a nga rivaleriwa; hilaha a Xi rhandza hakona; na ku tisola eka swidyoно swa yena, hi ndlela leyi a nga hanya hakona), na ku ya emahlweni na ku hundzuka ka yena na ku rila. Kutani endzhaku ka nkarhi ndzi tlakukile kutani ndzi humela ehandle ka muako.

<sup>139</sup> Kutani hi—hi mixo lowu landzelaka va ndzi vitanile, ku va ndzi tlhelela endzhaku kwalahaya. Nakona, ndzi tile ku ta kuma leswaku, va tile hi mixo wolowo eka xikambelo na ku vona hilaha e—e xiyimo xa uremic xi nga ya emahlweni hakona, kutani va kuma leswaku a nga ri na xivati xa yona. A yi fambile hinkwayo, xiphemu xin'wana na xin'wana xa chefu ya uremic a xi n'wi sukerile. Madokodela a ma nyanyukile ku kondza va ku, “Mina! Hikokwalaho ka yini, leswi, hi fanele... I nchumu wun'wana lowu wu nga tolrevelekangiki swinene.” Va ku, “Hi ta—hi ta n'wi lulamisa,” kutani va ku, “loko swo tama swa hari hi ndlela yaleyo ni mixo...” Va ku, “Hi ta tshama hi ri karhi hi n'wi nyika penicillin,” kumbe hambi ku ngava yini leswi a va n'wi nyika swona, ku yisa ntlulela-mavabyi ehansi. Va ku, “Hi ta endla

vuhandzuri na—na ku teka n'wana loyi a nga fa loko a nga se tshama eka swin'wana.” Va ku, “Loko a lulamile, kutani . . .”

<sup>140</sup> Kunene, ka mbirhi kumbe ka nharhu siku lero va n'wi kamberile nakambe. Kutani vusiku byebyo, endzhaku ka nkarhi, va n'wi kamberile, a ku ri hava lexi nga hoxeka, a lulamile hi ku hetiseka. Kutani va n'wi lulamiserile vuhandzuri. Va n'wi humesela ehandle ka tende ra moya. Swilo hinkwaswo a swi ri kahle. A va ya eku n'wi endleni ka vuhandzuri hi mixo lowu landzelaka, va teka n'wana.

<sup>141</sup> Kunene, ndzi yile ehandle lahaya. Kutani hikokwalaho kova leswi swi endliwile . . . Sweswi, a ndzi kalanga ndzi swi tiva, a ndzi kalanga ndzi swi tiva. Hosi a yi kalanga yi ndzi byela nchumu mayelana na swona. Mi nga ha vutisa vanhu, loko mi swi navela. Swingaleswi va . . . yena . . . A xi kalanga xi vula leswaku swi nga endleka. Kambe, oho, mina, ku vona nchumu wo—wo tani hi wolowo! Nuna wa yena, ku va a ri mudyohi, u tile kwalahaya kutani a ku, “Makwerhu Branham, ndzi—ndzi lava ku nyiketa vutomi bya mina eka Hosi Yesu.”

<sup>142</sup> Kutani ndzi ku, “Swi lulamile, ntsena khinsama ehansi lahawani kutani u khoma voko ra nsati wa wena, kutani mi famba evuton'wini lebyi byo lulama swin'we.”

<sup>143</sup> Manana u vuyerile endzhaku, a ku, “Makwerhu Branham, wa swi tiva, hi mina loyi na vana va mina,” a ku, “hinkwerhu hi vile endzeni na le handle, na le ndzeni na le handle, na ku va eTabernakeleni, na swin'wana. Hi tshamile hi ku yingisela u ri karhi u chumayela, nakona hi ta ya e altarini hi tlhela hi vuya.” A ku, “Ndzi wile, na mina, Makwerhu Branham.” A ku, “Ndzi lava ku vuyela endzhaku eka Hosi Yesu, hikokwalaho ka vunene bya Yena eka n'wana wa mina.” Kunene, ma swi vona, sweswo—sweswo swi kahle ngopfu, kambe a mi ti eka Hosi Yesu hikokwalaho ka sweswo.

<sup>144</sup> Kwalahaya ku kongoma xikarhi ka vusiku, khume mbirhi, awara ya n'we, manana wa yena u khudzeherile a etlela. Kutani aku, a n'wi vitana, a ku, “Manana.”

Kutani yena a ku, “Ina, murhandziwa, xana u lava yini?”

A ku, “Wa swi tiva, ndzi tsakile ngopfu!”

Yena a ku, “Ndzi tsakile ngopfu hi ku va wena u tsakile.”

A ku, “Ndzi na ku rhula na Xikwembu.” Kutani a ku, “Oho, hilaha swi nga kahle hakona!”

Hi xinkadyana, nakambe u huwelerile endzhaku, a ku, “Manana.”

A ku, “Ina?”

A ku, “Ndzi ya ekaya.”

<sup>145</sup> Kutani yena a ku, “Ndza swi tiva leswaku u ya kona.” A ku, “Ina, murhandziwa,” a ku, “dokodela u ta teka n'wana

mundzuku. Kutani kwalomu ka siku kumbe mambirhi, loko timbangta wena ti hola nakona u ya ekule na lahayani, u tlhelela ekaya nakona u ya tsaka nakambe, wena na nuna wa wena na vana lavantsongo, kutani u va Mukreste na ku hanyela Xikwembu.”

A ku, “Manana, ndzi vula leswaku ndzi ya Ekaya ra mina ra le Matilweni.”

Yena a ku, “Hakunene, murhandziwa, emakumu ya rendzo.”

A ku, “Lawa i makumu ya rendzo.”

“Oho,” yena a ku, “sweswi, xana mhaka i yini?”

<sup>146</sup> A ku, “Makumu ya rendzo.” Swingaleswi a ku, “Ina, manana, kwalomu ka timinetse tingari-tingani ndzi tava ndzi fambile.”

<sup>147</sup> Kunene, a ehleketa leswaku u lo khomiwa hi ku chuhwa na ku nyanyuka. U vitanile muongori, muongori u tekile ku hefemula ka yena. Swilo hinkwaswo a swi ri hi ntolovel. Nakona ku nga se hela ntlhanu wa timinetse a fambile, a file.

<sup>148</sup> Kutani loko ndzi tlhelela ekaya, eka vhiki kumbe mambirhi endzhaku ka sweswo... Ndzi ehleketa leswaku Makwerhu Graham u chumayerile nkosi wa nhwenyana loyi. Loko ndzi tlhelela ekaya kutani Meda a ndzi byela leswaku nhwenyana luya u file vusiku lebyiya, mina, a ndzi nga ta . . .

Ndzi—ndzi yile ndzi ya bona manana. “Ina.”

<sup>149</sup> Kutani a ndzi—ndzi—ndzi swi tivi leswi swi nga ndzi endla leswaku ndzi swi endla, kambe ndzi te, “Hosi Xikwembu, U—U ndzi kolota ku twisisa,” (Ma wona?) “endzhaku ka loko ndzi yile kwalahaya na—na ku byela nuna luya, na ku va yena a tile eka Hosi endzhaku ka loko U n’wi endlerile swilo leswi, na hinkwaswo swo kotisa sweswo, kutani u teka vutomi bya nhwenyana luya kukotisa sweswo.” Ndzi ku, “U ndzi kolota ku twisisa.”

<sup>150</sup> Loko u byela Xikwembu swin’wana swo kotisa sweswo, Xi ta ku siya u tshamile u ri wexe. A ndzi . . . a Xi ndzi koloti nchumu. Mina ndzi kolota Xona. Kunene, ntsena Xi ndzi tshikile ndzi swi yimisela nomo masiku nyana, ma swi tiva. Kutani, endzhaku ka kwalomu ka nharhu kumbe mune wa tin’hweti, siku rin’wana a ndzi ri ehandle eribuweni ra xinambyana kutani Hosi yi vulavurile na mina hi xivono, kutani yi ku, “Sweswi famba eka manana wa yena, kutani u ya vula leswi eka manana wa yena, ‘Xana nkarhi wa yena a wu tanga eka lembe leri a ku nga se va na sweswo, loko a ri karhi a nwela exinambyanini, eka pikiniki-ke? A fanele ku va a fambile hi nkarhi luwa, kambe a Ndzi fanele ku n’wi teka loko a lulamerile ku famba.’ Nakona xexo hi xona xivangelo xo va hinkwaswo leswi swi humelerile na xivangelo xo va u yile kwalahaya.”

<sup>151</sup> Kutani ndzi khinsamile kutani ndzi rila. Ndzi ku, “Hosi Yesu, ndzi khomele, mbuyangwani nandza wa Wena wa ximphuta. A ndzi nga fanelanga ndzi swi vurile sweswo, Hosi.”

<sup>152</sup> Kutani a ndzi tlhelerile endzhaku eka wansati loyi, a tshama kwala eMarket Street, nakona ndzi yile eka yena, kutani ndzi ku, “Ndzi lava ku ku vutisa xivutiso.”

Yena a ku, “Kunene, Makwerhu Bill.”

Kutani ndzi ku, “Xana i ntiyiso leswaku nhwenyana luya kantsongo a nwerile?”

<sup>153</sup> Yena a ku, “Hi swona sweswo, Makwerhu Branham.” A ku, “Nuna wa yena nakona a va—va fanele ku n’wi humesa exinambyanini.” Kutani a ku, “A va boheka ku tirhisa ku hefemula loku nga riki ka xiviri, na ku vekela ku tshikelela, nakona a va boheka ku kuma muchini kutani va pompa mati ya humela ehandle ka yena.” A ku, “A ambarile xikete xa yena. A va ri karhi va va na pikiniki. A ri ehandle lahaya kutani a bodlomela endzeni ka sava rin’wana, u rhetile a wela hi nhloko ya yena a ya tlimbiwa endzeni ka mati. A va n’wi xiyisisanga. Kutani xikan’we-kan’we va n’wi vonile a ri karhi a ta ehenhla na ku ya ehansi, nakona va tsutsumerile endzeni va ya n’wi kuma kutani va n’wi humesela ehandle.” Kutani va ku, “Kantsongo a file.” A ku, “U . . .”

Ndzi ku, “Wolowo a wu ri nkarhi wa yena wo famba.”

<sup>154</sup> Ma vona, Xikwembu xa swi tiva leswi Xi nga eku swi endleni. Sweswi, Hosi kumbexani a yi tava yi ndzi byerile leswaku loko a ndzi lo ka ndzi nga teki mavonele lawa ndzi nga ma teka, “Hosi, Wa ndzi kolota, ku ndzi byela hi mayelana na sweswo.” A yi mi koloti nchumu!

<sup>155</sup> Ndzi yimile enhlengeletanweni vusiku byin’wana kutani ndzi twa muevhangelu un’wana a ri karhi a khongeleta muvabyi, a ku, “Xikwembu, ndza ku lerisa ku va U horisa munhu loyi!” Xana i mani loyi a lerisaka Xikwembu? Ma vona? A swi—swi—swi kali swi ri—swi ri vutlharhi, ma vona, hikuva Xikwembu, Xi—Xi endla leswi Xi lavaka ku swi endla.

<sup>156</sup> Xana e—xana e vumba byi nga ku eka muvumbi, “Hikokwalaho ka yini u ndzi endlile hi ndlela leyi?” Ma vona? Kunene a swi endleki! Kambe loko muprefeta a nga tshamiseka kutani a lava Hosi hikokwalaho ka nhlamulo, hi liya nhlamulo lahaya. Ma vona?

<sup>157</sup> Ntsena tani hi le ka munhu loyi a ri karhi a vutisa eka—eka—eka xivutiso xa mbewu ya nyoka, ma swi vona. Ntsena—ntsena langutisani, nakona mi nga—mi ngavi—mi ngavi eku jaheni lokukulu. Kutani, sweswi, Xikwembu minkarhi hinkwayo xi humelerisa swilo hikwaswo ku va swi tirha swin’we kahle eka vona lava va rhandzaka Hosi.

<sup>158</sup> Sweswi, loko—loko Ninivha a yi lo ka yi nga hundzukanga, kutani ku avanyisa ka Xikwembu a ku tava ku vile ehenhla ka vona. Sweswi tsundzukani, muprofeta u fanele ku yingisa. A kuri xitshinyo.

<sup>159</sup> Sweswi, nchumu lowu fanaka eka tiko leri. Kutani mi ri, “Makwerhu Branham, Sonto lowu nga hundza u te, ‘A ku ngari na ntshembho?’” Ina! “Hikokwalaho ka yini?” Ri fularherile ku vitaniwa ka rona. Ri fanele ku ku amukela. Ri ya eku ku amukeleni. Ku le kuteni ka nkarhi laha tiko leri ri nga ta ya eka swiphemuphemu. Ndzi swi vonile hi 1933. Ma vona, ndzi langutile ekule.

Mi te, mi nga hava mi te, “Kunene, a swi humelelanga nkarhi luwa.”

<sup>160</sup> Kambe swi ya eku humeleleni! Na swona Mussolini a ngari eku fumeni, na swona Maginot Line a yi nga akiwanga, na swona movha a wu nga languteki kukotisa tandza hi masiku lawaya, na swin’wana, na swona vavasati a va nga hlawulanga Presidente loyi a ta languteka kukotisa e—e mufana wa kholichi, na swilo leswin’wana hinkwaswo, na swona a ku nga tava na Presidente wa Mukhatholiki, na swin’wana na swin’wana, leswi nga vuriwa. Kwalomu ka makume nharhu wa malembe lawa ya nga hundza, kumbe ku tlula, swilo leswi swi vhumbhiwile, kambe Xi ndzi kombisile ntsena ndlela ya le kule ku rhelela ku fika emakumu.

<sup>161</sup> Kutani loko nchumu wolowo wu tshinela, nkarhi hi nkarhi, xinwelo lexiya xi le ku taleni! Nakona ku hundzuka ku chumayeriwile hi Billy Graham, Oral Roberts, na mani un’wana. Vaprofeta, na van’wana na van’wana, va tsemakanyile tiko na swikombiso na swihlamariso, nakona ri yisa emahlweni ri pela endzeni ka vudyoho. Xexo hi xona xivangelo xa ku va va nga hundzuki, ku hundzuka ka swi tisa.

<sup>162</sup> Xiyisisani, Akab a nga kalanga a hundzuka eka xitshinyo xa Eliya. Loko Akab a lo hundzuka kutani a famba hi ku olova emahlweni ka Xikwembu, nchumu luwa a wu tava wu nga humelelanga. Kambe Akab u rhelerile kwalahaya kutani a teka nsimu ya vhinya ya Nabot na ku endla leswaku a dlayiwa, na hinkwaswo swilo leswi swo biha. Kutani Yezabel... Muprofeta luya u yile kwalahaya na LESWI SWI VULAKA HI HOSI! Kambe xana va endlile yini? Wansati u tshembhisile ntsena ku n’wi dlaya. Xana ku humelerile yini? Vuprofeta bya yena byi hetisekile, timbyana ti dyile wansati na ku lakatsela ngati ya Akab. Ntsena hi ku kongoma ku ya hi rito ra yena! U vonile xinwelo, xi tele.

<sup>163</sup> Xexo hi xona xivangelo xo va Mikiya luya lontsongo, a vulaka nchumu lowu fanaka, xana a ta katekisa njhani leswi Xikwembu xi nga swi rhukana? Ma vona, rito ra yena—yena, vuprofeta bya yena, a byi fambisana na Rito.

<sup>164</sup> Heroda, a nga kalanga a hundzuka loko Yohana a te, “A swi le nawini ku va wena u va na yaloye, nsati wa makwenu wa wena!” A nga kalanga a hundzuka. Kambe xana u endlile yini? Nsati wa yena u lavile nhloko ya muprofeta. Langutisani thyaka leri a nga nghena eka rona. Langutisani leswi swi nga n’wi humelela. Langutisani, hambi kuri namuntlha, eSwitzerland, e—e mamati ya wasi ya ku Xi ala ya ha vila tani hi—hi ku xixima xitsundzuxo. Ma vona, kunene, a nga hundzukanga loko a tshinyiwile hi Hosi. Yohana u n’wi byerile, swi ngari na mhaka leswaku a ri yini (muahluri, kumbe swihi na swihi leswi a ri swona; kumbe mulawuri, kumbe swihi na swihi leswi a nga vaka swona), a fanele ku hundzuka loko Xikwembu xi vitana, kumbe vukarhi byi le henhla ka yena!

<sup>165</sup> I ka ngani eka vaprofeta . . . Ndzi swi tsarile ehansi lahwani, kambe a hi nge vi na nkarhi hikuva ndzi na kwalomu ka khume ra timinetse to tatisa.

<sup>166</sup> Loko ku ngari na ku hundzuka, kutani ku avanyisa hakunene ku ta ta! Hezekiya u hundzukile. Ma vona? Ninivha ri hundzukile.

<sup>167</sup> Akab a nga kalanga a hundzuka. Nebukadnetsar a nga kalanga a hundzuka. Vanhu hi nkarhi wa Nowa a va kalanga va hundzuka, kutani ku avanyisa ku kukurile kwale ndzeni. Ma vona? Sweswi, kambe Xi sungula xi tshinya vanhu hinkwavo. Vanhu hinkwavo va kuma xitshinyo.

<sup>168</sup> Sweswi, ku vona leswaku nkarhi wu le kusuhi, un’wana na un’wana loyi a swi twaka leswaku ku na xitshinyo, a hundzuke hi xihatla loko vukarhi bya Xikwembu byi nga se ba.

<sup>169</sup> Sweswi a hi swi tiseni ehansi eka Branham Tabernakele. Ma vona, hi swi vonile swilo leswi na ku swi tiva ku va swi ri Ntiyiso. Ha swi tiva leswaku Swi Ntiyiso hi ku hetiseka. Xileriso xa Rito i ku, “Loko mi nga hundzuka kutani mi khuvuriwa endzeni ka Vito ra Yesu Kreste eku rivaleriweni ka swidyoho swa n’wina, mi ta amukela nyiko ya Moya lowo Kwetsima. Hikuva xitshembhiso xi le ka vana va n’wina na lava va nga ekule.” Ma vona?

<sup>170</sup> Sweswi, wanuna, Nkul. Dauch, u ndzi vutisile lahwani ku ngari khale ngopfu, a ku, “Makwerhu Branham, ndzi le ku khalabyeni. Ndzi le ku tsaneni, makume nkaye-n’we” A ku, “Xana u—xana u ehleketa leswaku ndzi—ndzi lulamerile ku fa? Xana u ehleketa leswaku ndzi lulamerile ku famba? Xana u ehleketa leswaku ndzi ponisiwile?”

<sup>171</sup> Ndzi ku, “Nkul. Dauch, xana u tshama u ya eka—eka dokodela ku ya kamberiwa mmiri?”

A ku, “Ina.”

<sup>172</sup> “Kutani u n’wi byela . . . Sweswi, leswi dokodela a swi endlaka, u na buku leyi nga tshama lahaya, nakona u teka buku leyi kutani a kumisia. ‘Sweswi, nchumu wo sungula lowu ndzi

faneleke ku wu endla eka wanuna luya, i ku kambela mbilu ya yena.' Swingaleswi u kuma xikambela-mbilu kutani a xi veka endleveni ya yena, a kambela mbilu ya yena." Kutani ndzi ku, "Kutani, nchumu wo landzela lowu a wu kumaka, u kumisisa ntshikelelo wa ngati ya yena, na hi—na hi ntshikelelo evokweni ra yena. Kutani nchumu wo landzela lowu a wu endlaka, u teka sampula ya mitsakamisi, na swin'wana na swin'wana swo tala, na ngati yo karhi leyi humaka eka yena, na hinkwaswo swilo leswi swo hambana-hambana. U hundza eka hinkwaswo ka swona, nakona loko a nga kumi nchumu... U teka X-ray. Loko a nga kumi nchumu, u ta ku, 'Nkul. Dauch, u—u kahle emmirini.'

<sup>173</sup> "Xana u kongomisa sweswo ehenhla ka yini? Eka swiyimo leswi humaka eka buku ya yena ya swa vutshunguri, leswaku loko kuri na nchumu wo hoxeka ku ya hi nhloko ya mutivi wa sayense wu ta tikombisa lahawani, wu ta endla *leswi* lahawani, wu ta endla *sweswo* lahaya. Hikokwalaho, ku ya hilaha a nga tivaka xin'wana na xin'wana mayelana na swona, u lulamile, ma vona, emirini.

<sup>174</sup> "Sweswi," ndzi ku, "eka mhaka leyi, ndzi—ndzi le ku swi nyikenki ka xikambelo xa munhu wa le ndzeni. Ma vona? Nakona Xikwembu, eka munhu wa le ndzeni, xi na Xitirhisawa xin'we ntsena, hi swona sweswo, lero i Rito ra Xona. Lero i Rito ra Xona. Nakona Yesu u vurile, eka Mukwetsimi Yohana 5:24, 'Loyi a twaka Rito ra Mina.' Sweswi, ku *twa* kwaloko a ko vula ntsena ku yingisa huwa. Ku *twa* kwaloko ku vula 'ku Ri amukela.' 'Loyi a amukelaka Rito ra Mina,' amen, 'loyi a Ri twaka!' (Mi nga yimi mi nga ninginiki, mi Ri vitana miharihari, 'Swilo leswiya, a ku na nchumu eka Swona. A ndzi swi pfumeli Sweswo.') 'Loyi a twaka Rito ra Mina!' Ahaa. Lero i Rito ra Yesu, leri, Yena a nga Rito. Hi n'wina valava. 'Loko mi nga twa Rito ra Mina.' A ku, 'na ku pfumela eka Loyi a Ndzi rhumeke, u hundzile ekufeni ku ya Vuton'wini; nakona a ngaka a nga ti eku Avanyisiweni, kambe u hundzile khale eka swona.' Amen!" Ndzi ku, "Xana mbilu ya wena yi ba njhani sweswi?"

A ku, "Ndza Ri pfumela. Ndzi Ri twile. Ndzi Ri amukerile."

<sup>175</sup> Ndzi ku, "Kutani ku ya hi Mutokoti wa Nhloko, Muhandzuri Nkulu, Dokodela-Nkulu wa Vutomi lebyi nga Heriki u ri, 'U hundzile ekufeni ku ya eVuton'wini nakona u ngaka u nga yi eku avanyisiweni.'"

<sup>176</sup> A ku, "Loko ndzi ku twile u ri karhi u chumayela hi Vito ra Yesu Kreste eka nkhuvulo wa mati, ndzi fambile kwala ndzhaku ka wena nakona u ndzi khuvurile." A ku, "Ndzi... Wanuna luya ndzi nga tshama ndzi va yena, a ndza hari yena wanuna luya. Swin'wana swi humelerile eka mina. A ndzi ngari na mhaka na nchumu hi Rona nakona ndzi fambile hi ndlela leyin'wana, kambe ndzi hundzulukile kutani ndzi sungurisa endzhaku hi

ndlela leyi. Nakona mbilu ya mina yi pfurha vusiku na nhlekanhi ku fika ekusuhi na Yena. Rito rin'wana na rin'wana ra Rona, ndza ri pfumela! Ndzi ri, 'Amen!' eka xiphemunyana xin'wana na xin'wana xa Rona. A ndzi na mhaka na hilaha Ri ndzi tsemaka hakona, ndzi lava ku fikelela swilaveko swa Rona. Nakona ndzi na swona ku ya hilaha ndzi tivaka hakona."

<sup>177</sup> Ndzi ku, "Swa languteka eka mina tani hi loko mbilu ya wena yi ba kahle ngopfu. Ndzi—ndzi pfumela leswaku u na vuswikoti eximoyeni sweswi."

<sup>178</sup> A ku, "Ndza tivutisa loko swi nga va kona loko ku Vutliwa ku ta, xana ndzi nga nghena kona, Makwerhu Branham?"

Ndzi ku, "A hi swa mina ku vula leswaku i mani loyi a nghanaka kumbe loyi a nga ngheniki."

<sup>179</sup> A ku, "Kunene, ndzi nga tsakela ku va ndzi ri karhi ndzi hanya, ndzi lava—lava ku vona ku Vutliwa hi mbilu hinkwayo."

<sup>180</sup> Ndzi ku, "Swi lulamile, u nge ndzi vona leswi e—e Buku ya Sayense yi swi vulaka lahawani, eka swona, na sayense ya munhu wa le ndzeni lahawani." Ndzi ku, "Kunene, Yi vula leswi, eka Vatesalonika va Vumbirhi, kavanyisa ka vu<sup>5</sup>, Yi te, 'Hina lava hi hanyakna na ku sala ku kondza ku fika ku Vuya ka Hosi hi ngaka hi nga sivel' (sweswo swi vula 'ku rhangelela') 'lavaya va nga wisa, va etteleke. Hikuva mhalamhala ya Xikwembu yi ta twala, kutani lavaya va nga etlela kumbe ku wisa va ta rhanga va pfuka, va teka ku ka va nga ha fi. Kutani hina lava hi hanyakna hi siku lero, hi nkarhi wolowo endzhaku ka loko va tava va pfukile, ma vona, kutani hi ta cinciwa hi xinkadyana, hi ku copeta ka tihlo, kutani hi ya hlangana na vona; kutani hi tlhandlukela ehenhla ku ya hlangana na Hosi empfhukeni, hi vutleriwa ehenhla swin'we na vona.' Ambi wa etlela, hambi a wu etleli, hambi wa swi endla kumbe a wu swi endl; kwiki na kwiki laha u nga lahliwa kona, loko u nga lahliwanga na swintsongo, u le ku teni hambiswiritano! Ku hava nchumu lowu wu nga ta ku khoma. U tava kwalahaya!" Ndzi ku, "Makwerhu Dauch, loko Yesu a nga vuyi ku kondza vatukulu va vatukulu va vatukulu va vatukulu va mina, u ta va wa hari kona hi nkarhi wolowo ntsena hi ku kongoma, nakona u tava kwalahaya loko va nga se kala va cinciwa, loko kuri leswaku va famba." Hi swona sweswo. Amen!

<sup>181</sup> Ku le ku teni ka nkateko ntsena tani hilaha ku nga ku teni ka vukarhi. Oho, hi fanele ku va hi languterile xin'we xa swona vusiku lebyi. Mi fanele ku va mi langutele vukarhi ku va byi wela ehenhla ka n'wina na ku herisiwa, kumbe mi nga ha fanelu ku va mi langutele ku pfuxiwa ka Hosi Yesu. Xikwembu lexi fanaka lexi na tshembhisa xin'we, xitshe- . . . Ndzi tsakile swonghasi!

Ndzi languterile ku ta ka siku leriya ro tsaka  
ra Mileniyamu,  
Loko Hosi ya hina yo kateka yi ta ta kutani  
yi vutlela ekule Mutekiwa wa yona loyi a  
rindzeleke;  
Oho! mbilu ya mina yi le ku naveleni na  
ku konyela siku leriya ra ku ntshuxiwa ko  
tsokombela,  
Loko Hosi ya hina yi ta vuyela emisaveni  
nakambe.  
Xidyocho na nhlomulo, xitlhavi na rifu ra  
misava leyi yo zwiwala swi ta yima,  
Eku fumeni lokuya ko kwetsima na Yesu ka  
gidi ra malembe ya ku rhula; (Oho, mina!  
“Nakona hi tava na Hosi hilaha ku nga  
heriki.” Ma vona?)

<sup>182</sup> Leswi Xikwembu xi nga swi vula, swi fanele ku humelela.  
“Va ta aka tiyindlu, va ta tshama eka tona. Va ta byala tivhinya  
nakona va ta dya mihandzu ya tona. Va ngaka va nga ha byali  
leswaku un’wana a ta dya. Va ta byala tivhinya ta vona vinyi  
kutani va tshama na tona.” Amen! Amen! “Va ngaka va nga  
ha vavisi kumbe ku onha entshaveni hikwayo ya Mina leyo  
Kwetsima.” Haleluya!

<sup>183</sup> Loko loyi a faka a teka ku ka a nga ha fi, leri—leri rifu ri  
mitiwa hi ku hlula, kutani hi ta Xi vona kukotisa leswi Xi nga  
xiswona na ku va na mmiri wo kotisa Mmiri wa Xona lowo  
Kwetsima. Oho, i nkarhi wa njhani lowu nga ta ta!

<sup>184</sup> Xikwembu lexi fanaka na vaprofeta lava fanaka lava va  
nga vhumbha Rito ra Xikwembu, kumbe vukarhi lebyi nga  
chuluriwa, ku chulula, na vona va vurile hi ta minkateko leyi  
yi nga ekuteni. Ndzi tsakile swinene! Xikwembu a xi pfuki  
xi nyikile e—e tiko e—e ku herisiwa ehandle ko ri tshinya ku  
sungula. A xi pfuki xi nyikile munhu ku herisiwa ehandle  
ka ku n’wi tshinya. Kutani sweswi loko Xi endla sweswo, hi  
na swin’wana leswi swi nga humelela eka hina, swityiyiso  
swa swikombiso swa masiku yo hetelela na hina, Moya lowo  
Kwetsima lowukulu wu nga eku famba-fambeni exikarhi ka  
hina na ku chajisa kereke hi Vukona bya Yena, wu tiyisisa Rito  
ra Yena. Kutani Kereke yi le ku tilulamiseleni ku khandziya  
empfhukeni eka rin’wana ra masiku lawa, hi matimba ya  
Xikwembu. Hikuva i xitshinyo xa ku veka etlhelo ndhwalo  
wun’wana na wun’wana na xidyocho lexi xi hi karhataka hi ku  
olova, leswaku hi ta kota ku haha hi ku tiyisela ntsutsumo lowu  
wu nga vekiwa emahlweni ka hina, ku ya eka Musunguri na  
Muhetisisi wa Ripfumelo ra hina.

<sup>185</sup> Xikwembu xi mi katekisa, kereke! Khomelelani evokweni  
ra Xikwembu leri nga cinciki! Ina, nkulukumba. Loko mi twa

Vukona bya Xona, yanani eka Xona. Loko kuri na swin'wana leswi nga hoxeka etimbilwini ta n'wina, swi lulamiseni. A hi na nkarhi wo tala lowu nga sala, ku Vuya ka Hosi ku le kusuhi. Xana ma Yi pfumela? Oho, mina! Xana sweswo a swi ngevi swi xongile lahaya? I nkarhi wa njhani, loko ndzi vona vatomoti va khale endzhaku lahaya va ri karhi va famba ku rhelela hi Pharadayisi liya! Oho, mina! Ndzi langutele awara yaleyo.

<sup>186</sup> Ndzi tsundzuka ku twa makwenu wa mina a swi vula, loko hi ri karhi hi vuya ku suka endzhandzheni wa malwandle, ku suka etimbeleni ta nyimpi ta khale na swin'wana, a ku, "Vatomoti lavaya va khale, loko va fika emahlweni ka Statue of Liberty, na ku khunguluxela swilema leswiya le henbla leswaku va ta kota ku vona Statue of Liberty." Mi vona xexo ku sungula, exikepeni, loko mi ya ehenbla, hikuva xi le henbla swinene. "Kutani mi vona voko leriya, ri yimele ehenbla lahaya," a ku, "vavanuna lavaya va hela matimba kutani va rila. Nakona vavanuna lava kulukumba va yima lahaya, ntseña ku wela ehansi exikepeni kutani va sungula ku rila." Xana a kuri yini? Xikombiso xa ntshuxeko. Swilo hinkwaswo leswi va nga tshama va swi rhandza a swi tshamile kwale ndzhaku ka xikombiso lexiya lahaya.

<sup>187</sup> Oho, kambe xana swi tava njhani loko ndzi twa xikepe xa khale xa Sion xi pfuma emixweni wolowo kutani ndzi vona mijeko yi ri karhi yi ndziwuluka! Loko nyimpi yi herile na nyimpi yi hluriwile, haleluya! Kutani hi le ku vuyeni eKaya, laha rifu, xidyoho na tihele swi nga hluriwa; nakona a ka hari na xidyoho, a ka hari na rifu, a ka hari na nhomulo. Ntseña ndzi twa xitswiriri xi ri karhi xi chaya! Oho, hi le ku tshineleleni ka Doroba. Ina, nkulukumba. Magandlati lamakulu ya le ku ngheneneni, xikepe xa khale xi le kuyeni endzhawini ya xona. Xikwembu, hi pfune ku hanyela awara yaleyo!

<sup>188</sup> Hosi Yesu, hi vanhu lava va nga–nga eku ringeten i hi matimba, hi hinkwaswo leswi nga endzeni ka hina, ku famba eku Vonakaleni ka evhangeli ya Evhangeli ya Wena leyikulu leyi U nga fela ku yi lulamisa. Hi khensa swinene ku vona, eka masiku lawa ya vubihi yo zwihalawa hi hanyakaka eka wona sweswi eka awara leyi, laha hi vonaka swikombiso swi ri karhi swi humelela. O Xikwembu, tani hilaha ku nga ku tsala ka voko ekhumbini, ha Ku khensa, Hosi, leswaku hi nga swi vona na ku swi tiva leswaku ku ntshuxiwa ku le kusuhi. Ha chumayela, hi tsemakanya tiko, hi vona Wena u tirha swikombiso leswikulu, wa tikombisa Wena n'winyi hi masiku, lembe rin'wana na rin'wana. Ku hava lembe leri hundzaka ehandle ka leswi (kulukumba) xikombiso xa Yona lexi nga eHenbla ka ntumbuluko xi nga ekubeni ka misava. Nakona ha xi vona, hi ku tiva leswaku vuthu lerikulu ra Xikwembu ri le ku macheni kuya emahlweni.

<sup>189</sup> Oho, a hi talanga hi nhlayo, kambe i ntlawa wa matimba njhani lowu wu nga na Vutomi lebyi nga Heriki! U te, "Va ta tsutsumela xivandla kutani va tlula hi le henbla ka rirhangu."

Ina, "xivandla" xa rifu a xi nga vi na swikhomo eka wona, Wu ta tsutsumela eka rona. Wu tlula hi le henhla ka "khumbi" exikarhi ka swa ntumbuluko na leswi nga eHenhla ka ntumbuluko, kutani wu ya emavokweni ya Xikwembu, eka ku kala Makumu lokuya ku kulukumba. Hosi Xikwembu, ha Ku khensa hikokwalaho ka leswi. Ha swi tiva leswaku nkarhi wu le kuteni ekusuhi.

<sup>190</sup> Ndza khongela, Xikwembu, leswaku vusiku lebyi loko kuri na van'wana lava va nga Ku tiviki, lava va nga se tshamaka va endla ku rhula ka vona... Kumbexani vusiku lebyi, loko hi ri karhi hi vulavula, Rito lerintsongo a ri ri karhi ri vulavula ehansi le timbilwini ta vona, "Ndzi twa xitshinyo xa leswaku a ndzi nga vi kona nkarhi wo leha ngopfu." O Xikwembu, ingaku va nga veka tiyindlu ta vona eka ntshamiseko, kona sweswi. Ingaku swilo hinkwaswo swi nga tshamisekisiwa. Ingaku ku titimela... Kumbexani hi vona Vakreste, kambe ntsena a va na... Va hanyile ehansi ka leswi nkarhi wo leha swonghasi nakona va vonile swilo swo tala swonghasi, ntsena va—va lahlile nkoka wa Swona. Swi... Swilo swa kona, va swi teka ku olova ematshan'wini yo dzika hi xiviri na hi ku tshembheka.

<sup>191</sup> O Xikwembu, hi pfumelele hi kambisia vusiku lebyi, hi nyike swona, hi ri karhi hi swi tiva leswaku swilo leswi swikulukumba ntsena swi hi tshinya hi Kereke leyi nga eku tlhandlukeni ku ngari khale. Nakona loko hi tikiwa hi vudyoho, hi ku kala ripfumelo, na hi vulolo, hi ngaka hi nga fikeleli ku Vutliwa kwaloko. Ha swi tiva, Hosi, swingaleswi ha khongela leswaku U ta pfurhisra Moya lowo Kwetsima endzeni ka hina, ku rhelela endzeni ka timbilu ta hina. O Xikwembu, pfurhisra moyaxiviri wa hina hi nkateko wa Wena. Hi pfune ku twisisa.

<sup>192</sup> Sweswi, katekisa vanhu kun'we. Katekisa mufundhisi wa hina wo hlawuleka na nsati wa yena. Katekisa madiyakoni, mathirasti, hinkwavo vanhu ntsena, kun'we. Hi rivalele swidyoho swa hina. Horisa uvabyi bya hina, Hosi. Nakona u lumeka timbilu ta hina ti pfurha. Nakona ingaku hi nga famba ku suka endhawini leyi na hungu ra xitshinyo, loko hi hlangana na vanhu lava nga evudyohweni, kutani hi va byela, "Munghana, xana a wu khomiwi hi tingana leswi u endlaka swilo swo tani hi sweswo, u ri karhi u swi tiva leswaku u fanele ku hlangana na Xikwembu siku rin'wana-ke?" Hi nyike swona, Hosi. Ndzi va nyiketa eka Wena, sweswi; ndzi nyiketa Hungu, na hikwaswo kun'we, ku tirha swin'we eku kwetsimeni ka Wena. Hi Vito ra Yesu Kreste. Amen.

Ndza N'wi rhandza, ndza N'wi rhandza  
 Hikuva U rhange a ndzi rhandza  
 Kutani a xava ku ponisiwa ka mina  
 Emhandzini ya Xihambano.

<sup>193</sup> Xana a mi N'wi rhandzi? Ehleketani hi leswi hi nga xiswona. Langutisani leswaku hi le kule njhani epatwini, vanghana.

Ntsena langutisani endzhaku ku rhelela hi patu ku suka le ndzhaku lahaya, eka masiku ya Luther na Wesly, ku rhelela hi tinguva. Langutisani laha hi nga kona: kona kwala ehenhla ka phiramidi; kona kwala laha Xikwembu xi nga swi khorwisa kona, leswaku Bibele hi swilemo swa nkombo yi paluxiwile hi ku hetiseka; ku yimeriwile ntsena sweswi swihundla swa nkombo kwale ku heteleleni, eku Vuyeni ka Hosi na ku Vutliwa ka Kereke leswi swi nga humevelaka ku nga se va mixo. Oho, mina!

Ndza N'wi rhandza, (hi ku tshembheka  
sweswi) ndza N'wi rhandza  
Hikuva U rhange a ndzi rhandza  
Kutani a xava ku ponisiwa ka mina  
Emhandzini ya Xihambano.

<sup>194</sup> Loko ha ha miyela sweswi... Xana ma swi lemuka leswaku un'wana na un'wana wa hina lahwani u fanele ku suka lahwani, ku suka emisaveni ley? Xana ma swi tiva leswaku munhu loyi a tswariweke hi wansati u ni masiku mantsongo nakona u xurhe makhombo? Xana a mi swi tiva leswaku hikokwalaho ko va hi tswariwile hi nsinya luwa wa le ntangeni wa Eden, wa rifu, leswaku hi fanele ku fa-ke? Hi muhandzu wa xivelekelo xa manana wa hina, nakona hi fanele ku fa, hi fanele ku hambanyisa vutomi lebyi. Lavantsongo kumbe lavakulu, a swi endli ku hambana. Loko wanuna wa khale ku tlurisa kumbe wansati lahwani a hanya vusiku hinkwabyo, wansati u ta hanya ku tlula kumbe wanuna u ta hanya ku tlula vo tala va khume-, vana va khume ntlhanu wa malembe? Madzana ya vona va ta fa ku rhendzeleka hi misava ku nga se fika mixo, ya vana. Swingaleswi hinkwaswo leswi nga swa nkoka, i ku, xana mi le ku endleni ka yini sweswi?

<sup>195</sup> Lowu wu ngava nkateko wa n'wina wo hetelela. Lavantsongo kumbe lavakulu, ma swi kota ku nghena ekerekeni. Mi nga siyi nchumu wun'we wu nga endliwanga. Dzikani mi tlhela mi tshembheka. Vekani xidyoho xin'wana na xin'wana na hinkwaswo etlhelo. Langutisani ku kongomana na xikandza xa Xikwembu kutani mi yutisa xivutiso lexi, "Hosi, xana ndza Ku tsakisa? Xana hi swihi swin'wana leswi ndzi nga swi endlaka, Hosi Yesu? A ndzi nge he vi na wona nkateko nakambe, endzhaku ka loko vutomi lebyi byi herile, wo tirhela Wena. Lowu i nkarhi wu ri woxe lowu ndzi nga na wona. Hosi Xikwembu, ntsena ndzi pfumelele ndzi tiva leswi U lavaka leswaku ndzi swi endla! Loko ndzi fanele ku ya ndzi ya endla *leswi* kumbe ndzi fanele ku endla *sweswo*, ndzi ta swi endla hi ku tsaka."

<sup>196</sup> Xana ha—xana ha swi ehleketa sweswo hi ku tshembheka? Xana vanakulorhi lavantsongo va swi ehleketa sweswo? Xana va malembe ya le xikarhi va swi ehleketa sweswo? Xana vadyuhari va swi ehleketa sweswo? Xana va malembe ya kondlo-a-ndzidyi va swi ehleketa sweswo? Hi fanele ku famba, nakona xana hi swi tiva njhani leswaku hi ta va hi nga fambanga loko ku nga

se va mixo? A hi swi tivi. Mi ri, "Sweswo swa ndzi vilerisa." A swi fanelanga! Entiyisweni, a swi fanele ku mi endla mi tsaka swinene ku tiva leswaku mi le ku sukeleni ka yindlu leyi ya khale ya mintungu.

<sup>197</sup> Ku na misava yin'wana. A mi boheki ku ya ekule ngopfu. Yi kwala na n'wina. Yi kwala matlhelo ka n'wina. Ntsena mi... mi... Xikwembu xi mi nyika ntsena switwi swa ntlhanu, nakona sweswo i swo tihlanganisa swonghasi swa leyi, misava leyi. Kambe ku na misava yin'wana leyi mi nga riki na switwi swo yi hlanganisa, mi ngaka mi nga tihlanganisi hikuva a mi na swona.

<sup>198</sup> Xikombiso, ndzi te, Sonto ni madyambu, (kumbexani a mi swi kumanga) leswi... hi na switwi swa ntlhanu: ku vona, ku ringa, ku khumbha, ku nuhetela, na ku twa. Kambe a swi tava njhani loko a mi ngari na ku vona (ntsena a mo va na ku ringa, ku khumbha, ku nuhetela, na ku twa), kutani munhu un'wana a amukerile ku vona ka yena kutani a ku, "Ku na misava yin'wana, dyambu"? Swona—swona switwi, mi tlumbana na swilo, nakona xana i yini lexi xi nga mi byelaka leswaku i yini. Hikokwalaho ka yini, a mi ta ehleketa leswaku munhu yaloye wa penga, hikuva a mi na xona xitwi lexiya—lexiya xa—xa ku vona. A ku na loyi a nga tshama a va na xona, loyi mi n'wi tivaka. Mi twile hi ta vanhu lava va nga vula swilo swo tani hi sweswo, kambe mi swi kanakanile. Kambe ha swi tiva hi xitwi lexi leswaku i ya xiviri. I ndhawu ya xiviri. Ma vona? I—i—i—i ndhawu laha... mi nga kotaka ku vona. Xitwi xa n'wina xi tiyisisa swona.

<sup>199</sup> Sweswi, nchumu wun'we ntsena lowu mi wu endlaka loko mi fa, ntsena mi cinca switwi leswiya swa ntlhanu (Ku kwetsima! Yhuu!), ntsena mi amukela xitwi xin'wana. Nakona mi va lava hanyaka ni xitwi xa le henhla, ka gidi ku tlula leswi, eka vutomi byin'wana; vutomi laha ku nga riki na rifu, laha ku nga riki na nhlomulo. Kutani swilo leswi mi nga tiviki nchumu ha swona sweswi, mi swi vona erivaleni loko mi tsemakanya lahaya. A mi swi twisisi sweswi hikuva mi le ku tlumbaneni na swona, a mi na xona xitwi xexo. Mi ri, "Ndzi—ndzi twa matitwele yo ka ya nga tololekanga vusiku lebyi. Swi languteka eka mina tani hi loko kuri na... Ntsena ndzi lava ku rila, kumbe ku huwelela, kumbe swin'wana." I Tintsumi ta Hosi. Ma vona?

<sup>200</sup> Tani hi loko un'wana a ku, ma swi tiva, loyi a nga se tshamaka a va na xitwi xa ku vona, a ku, "Nkan'we endzhaku ka nkarhi ndzi twa nchumu wun'wana wa xiviri, wo tani hi matitwele yo tani hi ku kufumela."

Mi ku, "I masana."

<sup>201</sup> "Xana i yini masana? A ndzi se tshama ndzi ma vona." "Ku hava...." Ma vona, a nga se tshama a vona, a nga swi tivi leswaku i yini. Ma vona, munhu un'wana kwalahaya u fanele ku n'wi byela, munhu un'wana loyi a kotaka ku ma vona. Oho, mina! Ma vona?

<sup>202</sup> Ntsena ho cinca. Ntsena ho cinca, mi nga chavi rifu. Rifu a hi nchumu kambe i xifaniso xo chavisa swinyenyana. Yesu u ri hlurile. Hambi loko Paul a fikile emakumu, u te, “Rifu, ndzhombho wa wena wu kwihi? Xana ku chavisa ka wena ku kwihi? Sirha, xana ku hlula ka wena ku kwihi? U ri u ndzi kumile? Ndzi—ndzi lava ku ku kombeta le ndzhaku eYerusalem. Ku na sirha leri nga riki na nchumu lahaya nakona ‘Ndzi Yena loyi a nga hlula n’wina ha vumbirhi, rifu na tihele,’ nakona ndzi le ndzeni ka Yena kutani u ngaka u nga ndzi khomi! Ndzi ta tlhlela ndzi pfuka nakambe.” Oho, mina! A ku, “Ku na harhi ley i nga vekerwa mina, leyi Hosi, Muavanyisi wo lulama, a nga ta ndzi nyika yona; nakona ku ngari mina ntsena, kambe hinkwavo lava *rhandzaka* ku humelela ka Yona.”

<sup>203</sup> Ma Yi rhandza. Mi lava ku Yi vona yi ri karhi yi ta. Mi Yi yimerile. I xitori xo leha, i ku—i ku yima ko leha. I mhaka yarirhandzu. Kambe ntsena mi ngaka mi nga yimi ku kondza mi Yi vona! Oho, mina! Yaleyo i ndlela ley i swi nga xiswona. Oho, wolowo i nkarhi lowu hi nga wu langutela, yaleyo i awara! Loko mbilu ya wena yi nga kotisi—kotisi—kotisi sweswo vusiku lebyi, munghana, u va na vukheta. Ma vona? U va na vukheta. U nga pfumeleli nala a ku kanganyisa. Loko Moya lowo Kwetsima lahawani wu lava ku haha Wu tlhlela eka Muvumbi wa Wona, eka N’winyi wa Wona, ku na mhaka ya rirhandzu ley i ku nga riki na loyi a nga vulaka nchumu hi yona. Hi swona sweswo, i ya xiviri. I ya xiviri.

<sup>204</sup> Swingaleswi loko kuri na xitshinyo, lexi nge, “A wu lulamelanga sweswo,” kutani tsundzukani, Xikwembu xi nga va xi ri karhi xi mi lulamisela swin’wana. Ma vona? A mi lulamelanga . . .

<sup>205</sup> Mi ri, “Kunene, loko ndzo khuvuriwa, Moya lowo Kwetsima, kutani, kunene, kumbexani Hosi yi ta ndzi teka?” Ee, ku ngari sweswo ntsena, ntsena mi va mi ri karhi mi tilulamisela ku hanya. A mi—mi lulamelanga ku hanya ku kondza mi kuma Moya lowo Kwetsima, kutani loko mi kuma Moya lowo Kwetsima kutani mi va ntsena mi ringanerile ku hanya. A mi nga ringanelanga ku hanya loko ku nga se va na sweswo, ma vona, kambe sweswi mi va mi ringanerile ku hanya endzhaku ka loko mi kumile Moya lowo Kwetsima. Ma vona? Kova ntsena ku mi lulamisela. Ma vona?

<sup>206</sup> Vanhu va ri, “Kunene, ndzi fanele ku tilulamisela ku fa.” Oho, mina, ndzi tilulamisela ku hanya! Amen. Nchumu wa kona hi leswaku, tilulamiseleni ku hanya, ku hanya eka Kreste! Vutomi byo hlula ehenhla ka xidyoho, rifu, tihele, i khale ndzi ri na ku hlula. Hi Yena ku Hlula ka mina nakona ndzi vumbhoni bya Yena, nakona ndzi vumbhoni bya ku Hlula ka Yena. Amen! Hi sweswo.

<sup>207</sup> “Xana u swi tivisa ku yini leswaku u Ku kumile?” Ndzi Ku kumile. Amen. U ndzi nyikile Kona hi tintswalo ta Yena. Ndza Ku twa. Ndza Ku tiva. Ndzi Ku vona kuri karhi ku tirha evuton’wini bya mina. Ku ndzi cincile. Kutani ku ya hi Buku leyi lahwani, U vurile leswaku ndzi na Vutomi lebyi nga Heriki nakona ndzi nge swi koti ku ya eku Avanyisiweni, kambe ndzi hundzile ekufeni ku ya eVuton’wini hikuva U tekile ku avanyisiwa ka mina. Kutani loko kuri leswaku U hakerile nxavo, u nga ringeti ku ndzi yisa eku Avanyisiweni ko karhi. U hetile ku ndzi tekela kona, nakona ndzi swi amukerile. Ina, nkulukumba.

<sup>208</sup> Swingaleswi a ka hari na ku avanyisiwa kun’wana. A ka hari na—a ka hari na rifu. Oho, ndzi fanele ku siya kereke na ku siya vanhu siku rin’wana, kambe sweswo...loko Yesu a hlwela. Kutani loko sweswo swi humeleta, hikokwaho ka yini, mina, a ndzi fanga. Ndzi ngaka ndzi nga fi, ndzi na Vutomi lebyi nga Heriki. Xana u nga fa njhani loko u ri na Vutomi lebyi nga Heriki? Ma vona? Evukoneni bya Xikwembu nkarhi hinkwawo na ku va na Xona hilaha ku nga heriki! Amen! Sweswo swi nyanyula mbilu ya mina, mina, swi ndzi endla ndzi lava ku sungula ku chumayela nakambe. Ma vona? Hi swona sweswo. Oho, Xi kahle swinene!

Xana a Xi kahle, lowa kahle, lowa kahle?  
 Xana Yesu Hosi ya mina a hi lowa kahle?  
 Mahlo ya vonile, tindleve ti twile, leswi nga  
     kandziyisiwa eRitweni ra Xikwembu;  
 Xana a hi Yesu Hosi ya mina lowa kahle?

Ndzi rhandza vumbhoni byebyo.

Mahlo ya vonile, tindleve ti twile, leswi nga  
     kandziyisiwa eRitweni ra Xikwembu;  
 Xana a hi Yesu Hosi ya hina lowa kahle?

<sup>209</sup> Oho, ndza N’wi rhandza! Hi yena Ku rhula ka mina, Vutomi bya mina, Ntshembho wa mina—mina, Hosi ya mina, Xikwembu xa mina, Muponisi wa mina, wa mina... (Oho, mina!) Tatana wa mina, Manana wa mina, Sesi wa mina, Makwerhu wa mina, Munghana wa mina, hinkwaswo swa mina! Ma swi vona? A hi tololele ku yimbelela xinsin’wana xo kotisa sweswo. Ma swi tiva, xana hinkwenu ma swi kuma swinsin’wana swa Pentekostal ku kotisa... Ndzi tssembha leswaku va timile xikandziyisi lexiya, ma vona. Risimu leriya a hi tololele ku ri yimbelela:

Hi yena tatana wa mina, manana wa mina, sesi  
     wa mina na makwerhu wa mina,  
 Hi yena hinkwaswo eka mina.

Hi yena hinkwaswo, hi Yena hinkwaswo eka  
     mina;  
 Hi yena hinkwaswo, hi Yena hinkwaswo eka  
     mina;

Hikuva hi Yena tatana wa mina, manana wa mina, sesi wa mina na makwerhu wa mina,  
Hi yena hinkwaswo eka mina.

<sup>210</sup> Ma tsundzuka loko ha ha yimbelela xinsin'wana xexo?  
Un'wana na un'wana wa n'wina wa xi tsundzuka? Mina, malembe lawa ya nga hundza! Kutani a hi tolrevele ku vula leswaku:

Ndza swi tiva leswaku a kuri Ngati, ndza swi tiva leswaku a kuri Ngati,  
Ndza swi tiva leswaku a kuri Ngati eka mina;  
Siku rin'wana loko ndzi lahlekile, U file eXihambanweni,  
Nakona ndza swi tiva leswaku a kuri Ngati eka mina.

<sup>211</sup> Ma xi tsundzuka xinsin'wana xexo? A hi voneni, a kuri xihi lexin'wana lexi a hi xi yimbelela? A hi voneni.

Oho, xana a mi nga langutisi na mina awara yin'we,  
Loko ndza ha ya lahaya, loko ndza ha ya lahaya?  
Oho, xana a mi nga langutisi na mina awara yin'we,  
Loko ndza ha ya lahaya ndzi ya khongela?  
Ndzi le ku hluleni, ndzi le ku hluleni,  
Ndzi le ku hluleni, ndzi le ku hluleni;  
Hikuva ndzi rhandza Yesu, hi Yena Muponisi wa mina,  
Nakona Wa n'wayitela nakona Wa ndzi rhandza na yena.

<sup>212</sup> A ku va kuri mukhalabya Makwerhu Smith, makwerhu wa mukhaladi, a tolrevele kuva ehansi kwala khoneni. Oho! A ndzi ta twa vanakulorhi lavaya va makhaladi ehansi lahaya, a ndzi ta titshamela lahaya kutani ndzi huwelela ndzi tlhela ndzi rila na hinkwaswo swo kotisa sweswo, ndzi ninginisa movha wa mina hinkwako-nkwako na ku tlula-tlula hinkwako ku rhendzeleka hi yona kukotisa xisweswo. Hinkwavo a va phokotela mavoko ya bona. [Makwerhu Branham a phokotela mavoko ya yena loko a ri karhi a yimbelela—Muhleri.].

Oho, xana a wu nge langutisi na . . .

Biti leyintsongo leyi vanakulorhi va makhaladi va nga na yona, ma swi tiva. A ku na loyi a nga yimbelelaka ku fana na bona; mi nga ha no swi rivala. Ma bona?

. . . awara yin'we,  
Loko ndza ha ya lahaya, . . .

<sup>213</sup> Oho, mina! Ndzi tshama lahaya, ndzi ku, "O Xikwembu!"  
Xifanyetana lexi xa khale, kwalomu ka makume mbirhi wa

malembe hi vukhale, a ndzi ta tsutsuma ndzi rhendzeleka na ku rhendzeleka hi movha luwa nakona ntsena ndzi huwelela na ku dzunisa Xikwembu kukotisa sweswo. Oho, i nkarhi wa njhani! Sweswo a ko va masungulo ya le ku sunguleni, loko Xikwembu xi ri karhi xi famba-famba exikarhi ka vanhu kukotisa sweswo. Sweswi hi fikile eKerekeni yo tiya. A yi talanga hi swirho, kambe yi tiyile eMoyeni. Amen. Ku saseka ka swona!

<sup>214</sup> Kutani a ku va kuri na xinsin'wana . . . Ndzi tsundzuka siku ra kona le hansi eChattanooga, Tennessee, loko ndzi hlangana na loyi . . . Ku ngari Chattanooga, a kuri ehansi le Memphis, laha ndzi nga hlangana na wansati lontsongo loyi wa mukhaladi, ma swi tiva, a yimile ehandle lahaya. Mi ndzi twile ndzi vulavula hi mayelana na swona, ma swi tiva. Mufana wa yena a ri na vuvabyi bya tingana. Nakona wansati a ri na hembhe ya wanuna loyi yi bohiwile enhlokweni ya yena, a voyamerile ehenhla ka bence kukotisa *xisweswo*. Kutani Hosi yi yimisile xihahampfuka lexiya lahaya nakona a yi nga xi pfumeleli xi famba, hi ndlela yin'wana, nakona va ndzi byerile ku ta ndzi ta kuma . . . Kutani Moya lowo Kwetsima wu ku, "Teka rendzo lerintsongo kutani u rhelela hi ndlela *leyi*."

<sup>215</sup> Kutani ndzi fambile ndzi rhelela hi kwalahaya, ndzi ri karhi ndzi yimbelela. Ndzi ehleketele, "Mina, xihahampfhuka xa mina xi lulamerile ku suka!"

<sup>216</sup> Ntsena wu yile emahlweni wu ku, "Yana emahlweni. Yana emahlweni u famba. Yana emahlweni u famba." Ntsena xiphemu xa le ku sunguleni ka ministri wa mina.

<sup>217</sup> Kutani ndzi langutisile, ku tiseketela ku tsemakanya darata lahaya, na mukhukhu lowuntsongo, ndhawu yintsongo lahaya. A kuri na sesi wa khale a yimile kwalahaya. Oho, a ri . . . A languteka kukotisa un'wana wa vasesi lava nga eka makhekhe ya Aunt Jemima. Marhama lamakulu yo nyuhwela, ma swi tiva, nakona misisi ya yena—yena, hembhe ya yena yi yisiwile endzhaku. A tiseketerile ku tsemakanya gede kukotisa sweswo, nakona ntsena ndzi . . . a ndzi ri karhi ndzi yimbelela xinsin'wana lexiya mayelana na . . . xintsongo . . . Xana a kuri yini . . . Ndzi rivele vito ra xinsin'wana lexi ndzi nga xi yimbelela. Sweswi, xi swin'wana mayelana—mayelana na . . . A kuri xinsin'wana xo koma xa Pentekostal, jubili leyintsongo.

<sup>218</sup> Kutani ndzi tshikile ku yimbelela, a ndzi fikile ekusuhi swinene. Kutani ndzi hundzile hi kwalahaya. Nakona a yimile kwalahaya nakona mihloti a yi ri karhi yi khulukela ehansi ka marhama lamakulu yo nyuhwela; a ndzi lava ku n'wi vukarha. A ku, "Avuxeni, parson!"

Ndzi ku, "Hahani, u ri yini?"

A ku, "Ndzi te, 'Avuxeni, parson.'"

<sup>219</sup> Ndzi ku, "U swi tivisa ku yini leswaku ndzi parson?" Sweswi, eka vanhu va le Dzongeni, sweswo swi vula "ministara," ma

swi tiva. Ndzi ku, “Sweswi, u swi tivisile ku yini leswaku ndzi parson?”

A ku, “A ndzi swi tiva leswaku u le ku teni.”

<sup>220</sup> Ndzi ku, “A wu swi tiva leswaku ndzi le ku teni?” Ndzi ehleketa, “Ahaa, hi leswiwani, wa vona.”

<sup>221</sup> A ku, “Ina, nkulukumba.” A ku, “Xana—xana u tshama u hlava xitori eBibeleni, parson, mayelana na wansati luya wa Shunem?”

Ndzi ku, “Ina, hahani, ndzi xi hlayile.”

<sup>222</sup> A ku, “A ndzi ri muxaka wa wansati luya.” A ku, “Ndzi komberile Hosi ku va yi ndzi nyika n’wana, mina na nuna wa mina, nakona ndzi n’wi kuriserile Yona.” A ku, “Yi swi endlile, Yi ndzi nyikile n’wana.” Kutani a ku, “Ndzi n’wi kurisile, mufana wa kahle.” A ku, “U kumekile na ntlawa wo hoxeka, parson. U kumile vuvabyi byo chavisa,” kutani a ku, “u ettele le ndzeni u le ku feni. U vile eku feni ku ringana masiku mambirhi sweswi. A nga se vuyela na le ka vuyena ku ringana masiku mambirhi. Wanuna wa dokodela a ri kwala nakona u te, ‘A ngaka a nga hanyi,’ a ku, ‘u le ku feni.’ A kuri vuvabyi bya swa vuxaka.” Kutani a ku—a ku, “A ndzi nga ta swi kota ku yimela ku langutisa n’wana wa mina loko a fa, nakona ndzi khongerile vusiku hinkwabyo.” Kutani a ku, “Ndzi te, ‘Hosi,’ ndzi ku, ‘A ndzi ri muxaka wa wansati loyi wansati luya wa Shunem a ri yena, kambe’ ndzi ku, ‘xana u kwihi Elixwa Wena?’”

<sup>223</sup> Kutani a ku, “Ndzi yile eku etleleni nakona ndzi lorhile norho, leswaku a ndzi yimile lahawani egedeni leyi, nakona ndzi ku vonile u ri karhi u ta ku rhelela hi xitarata u ri na xihuku xexo xi tani hi ku va xi tshamile etlhelo ka nhloko ya wena.” Kambe a ku, “Ku na nchumu wun’we ntsena,” a ku, “xana yi kwihi liya . . .” A ku, “A wu fanele ku va na sutikhesi evokweni ra wena.”

Ndzi ku, “Ndza ha ku yi siya ehansi lahaya ePeabody Hotel.”

<sup>224</sup> A ku, “A ndzi swi tiva leswaku a wu fanele ku va na sutikhesi.” Kutani a ku, “N’wana wa mina u le ku feni.”

Ndzi ku, “Vito ra mina i Branham.”

A ku, “Ndzi tsakile ku hlangana na wena, Parson Branham.”

<sup>225</sup> Ndzi ku, “Ndzi khongeleta vavabyi. Xana u tshama u twa hi ta ministri wa mina?”

<sup>226</sup> A ku, “Ee, a ndzi tshembhi leswaku ndzi tshama ndzi wu twa.” A ku, “Xana a wu nge ngheni endzeni?” Kutani ndzi nghanenile.

<sup>227</sup> Nakulorhi luya lonkulu a ettele lahaya kukotisa sweswo. A ndzi ri karhi ndzi ringeta ku n’wi byela hi mayelana na ku horisa ka Vukwembu, kambe sweswo a swi ngari leswi a swi tsakisa eka yena. A lava ku twa mufana luya a vula leswaku a “ponisiwile

nakona a lulamerile ku famba.” Kutani wansati a vula . . . Kutani Xikwembu xi ponisile mufana.

<sup>228</sup> Kutani endzhaku ka lembe ndzi vonile mufana ehandle lahaya tani hi mubyarhi wa timpahla ehansi le xitichini. Hilaha Hosi yi endlaka swilo hakona!

<sup>229</sup> Kute loko ndzi vuyerile endzhaku, endzhaku ka sweswo, a ndzi fanele . . . xihahampfhuka lexiya a xi fanele ku suka hi awara ya nkombo, nakona a kuri kwalomu ka hafu ku bile awara ya nkaye. Kutani ndzi kumile thekisi kutani ndzi tlhelela endzhaku. Kute loko ndza ha nghena, va ku, “Ku huwelela ko hetelela ka xihahampfhuka xa nambara ya *swingere-ngere*.” Hosi yi khomile xihahampfhuka lexiya ehansi lahaya loko ndza ha yile ndzi ya khongelela mufana luya. Ma vona? Hi swona sweswo.

<sup>230</sup> A ndzi ri karhi ndzi ringeta ku ehleketa hi xexo, xinsin’wana, “*Un’wana Wa Vona*.” Hi xona xexo. Oho, hilaha a hi tolrevele ku endla xirhendzevutani lahawani, kutani hi phokotela mavoko. A hi ta ku:

Un’wana wa vona, un’wana wa vona,  
Ndzi tsakile swinene ku va ndzi nga vula  
leswaku ndzi un’wana wa vona; (Haleluya!)  
Un’wana wa vona, ndzi un’wana wa vona,  
Ndzi tsakile swinene ku va ndzi nga vula  
leswaku ndzi un’wana wa vona.

A va hlengeletanile ekamareni ya le xithezini,  
Hinkwavo va ri karhi va khongela hi Vito ra  
Yena,

Va khuvuriwile hi Moya lowo Kwetsima,  
Kutani matimba ya xikhongelo ya tile;  
Sweswi leswi A nga swi endlela vona hi siku  
leriya

U ta mi endlela leswi fanaka,  
Ndzi tsakile swinene ku va ndzi nga vula  
leswaku ndzi un’wana wa vona.

Un’wana wa vona, un’wana wa vona,  
Ndzi tsakile swinene ku va ndzi nga vula  
leswaku ndzi un’wana wa vona;  
Un’wana wa vona, ndzi un’wana wa vona,  
Ndzi tsakile swinene ku va ndzi nga vula  
leswaku ndzi un’wana wa vona. (Xana mi  
yena?)

<sup>231</sup> Yingiselani ndzimana leyi.

Hambi leswi vanhu lava va nga ta ka va nga  
swi dyondzeli,  
Kumbe ku tibumabumela hi ndhuma ya swa  
misava,

Hinkwavo ka vona va kumile Pentekosta ya  
vona,  
Va khuvuriwile hi Vito ra Yesu;  
Nakona va le ku vuleni sweswi, ha vumbirhi  
ekule na le kule-kule,  
Matimba ya Yena ya ha fana,  
Nakona ndzi tsakile swinene ku va ndzi nga  
vula leswaku ndzi un'wana wa vona.

Oho, un'wana wa vona, ndzi un'wana wa vona,  
Ndzi tsakile swinene ku va ndzi nga vula  
leswaku ndzi un'wana wa vona;  
Un'wana wa vona, oho, ndzi un'wana wa vona,  
Ndzi tsakile swinene ku va ndzi nga vula  
leswaku ndzi un'wana wa vona.

Oho, tana, makwerhu wa mina, lava nkateko  
lowu  
Lowu nga ta basisa mbilu ya wena ku suka  
evudyohwени,  
Wu ta sungula ku ba swingelengele swa ntsako  
Nakona wu ta hlayisa moyaxiviri wa wena wu  
ri karhi wu pfurha;  
Oho, wu le ku pfurheni sweswi le hansi  
embilwini ya mina,  
Oho, ku kwetsima eka Vito ra Yena,  
Nakona ndzi tsakile swinene ku va ndzi nga  
vula leswaku ndzi un'wana wa vona. (Xana  
mi tsakile hi sweswo-ke?)

Un'wana wa vona, un'wana wa vona,  
Ndzi tsakile swinene ku va ndzi nga vula  
leswaku ndzi un'wana wa vona;  
Oho, un'wana wa vona, un'wana wa vona,  
Ndzi tsakile swinene ku va ndzi nga vula  
leswaku ndzi un'wana wa vona.

<sup>232</sup> Oho, a mi tsakanga xana? Ntsena a hi qhavulaneni mavoko  
na van'wana loko ha ha ri yimbelela. Mi ri yini xana? A hi swi  
endleni.

Un'wana wa vona, un'wana wa vona,  
Ndzi tsakile swinene ku va ndzi nga vula  
leswaku ndzi un'wana wa vona;

Ndzi tsakile swinene na mina, makwerhu.

Oho, un'wana wa vona, un'wana wa vona,  
Ndzi tsakile swinene ku va ndzi nga vula  
leswaku ndzi un'wana wa vona.

Oho, tana, makwerhu wa mina, lava nkateko  
lowu  
Lowu nga ta...moya-xiviri wu pfurha,

Lowu nga ta sungula ku ba swingelengele swa  
ntsako  
Nakona wu ta hlayisa moya-xiviri wa wena wu  
ri karhi wu pfurha;  
Oho, wu le ku pfurheni sweswi endzeni ka  
mbilu ya mina,  
Oho, ku kwetsima eka ra Yena . . .

A hi yimiseleni mavoko ya hina ehenhla.

Ndzi tsakile ku va ndzi nga vula leswaku ndzi  
un'wana wa vona.

<sup>233</sup> Hinkwerhu swin'we.

Un'wana wa vona, un'wana wa vona,  
Ndzi tsakile swinene ku va ndzi nga vula  
leswaku ndzi un'wana wa vona;  
Ndzi un'wana wa vona, un'wana wa vona,  
Ndzi tsakile swinene ku va ndzi nga vula  
leswaku ndzi un'wana wa vona.

<sup>234</sup> Yingisani hi vukheta sweswi, ma vona.

Hambi leswi vanhu lava va nga ta ka—va nga  
ta ka va nga swi dyondzeli, (a va kali va huma  
ekholichi)  
Kumbe ku tibumabumela hi ndhuma ya swa  
misava,  
Hinkwavo ka vona va kumile Nkateko wa vona  
wa Pentekostal,  
Va khuvuriwile hi Vito ra Yesu;  
Nakona va le ku vuleni sweswi, ha vumbirhi  
ekule na le kule-kule, (xiyindlwana xin'wana  
na xin'wana na khona)  
Matimba ya Yena ya ha fana,  
Ndzi tsakile swinene ku va ndzi nga vula  
leswaku ndzi un'wana wa vona.

<sup>235</sup> Oho, xi yimbeleleni, kerek!

. . . vona, un'we wa vona,  
Ndzi tsakile swinene ku va ndzi nga vula  
leswaku ndzi un'wana wa vona;  
Oho, un'wana wa vona, un'wana wa vona,  
Ndzi tsakile swinene ku va ndzi nga vula  
leswaku ndzi un'wana wa . . .

<sup>236</sup> Tekani swidukwani swa n'wina leswi ntsongo sweswi.

Un'wana wa vona, un'wana wa vona,  
Ndzi tsakile swinene ku va ndzi nga vula  
leswaku ndzi un'wana wa vona;  
Oho, un'wana wa vona, un'wana wa vona,  
Nakona ndzi tsakile ku va ndzi nga vula  
leswaku ndzi un'wana wa vona.

<sup>237</sup> Dzunisani Hosi! Amen! Hi tifanela na vana. A ku na xa ximfumo hi hina. Xikwembu a xi na xivumbeko. Hi swona sweswo? Ina, nkulukumba!

Ndzi un'wana wa vona, un'wana wa vona,  
 Ndzi tsakile swinene ku va ndzi nga vula  
     leswaku ndzi un'wana wa vona;  
 Ndzi un'wana wa vona, un'wana wa vona,  
 Oho, ndzi tsakile swinene ku va ndzi nga vula  
     leswaku ndzi un'wana wa . . .

<sup>238</sup> Xana hakunene mi tsakile ku va mi nga swi vula? Ntsena yimisani mavoko ya n'wina, mi ku, "A ku dzunisiwe Hosi!" [Nhlengeletano yi ku, "A ku dzunisiwe Hosi!"—Muhleri.] A ku dzunisiwe Hosi! Ndzi tsakile ku va ndzi ri un'wana wa vona! Ndzi tsakile ku va yena.

<sup>239</sup> Hosi Xikwembu, ndzi tsakile swinene. Un'wana wa vona! Un'wana wa vona! Ndzi tsakile swinene ku va ndzi nga vula leswaku ndzi un'wana wa vona. O Xikwembu, hi pfune ku va sweswo. Hi pfune ku hlayisa Mavoni ya ri karhi ya voninga, Hosi, tani hi leswi hi nga eku macheni ku kongoma Sion. Hi nyike swona, Tatana. Hi Vito ra Yesu, hi nyikela vutomi bya hina eka Wena eka ntirho. Amen. Amen.

Oho, hi le ku macheni ku ya eSion,  
 Oho, yo saseka, Sion yo saseka;  
 Hi le ku macheni ku ya ehenhla eSion,  
 Doroba leriya ro saseka ra Xikwembu.

Tanani, hina lava hi rhandzaka Hosi,  
 Kutani hi pfumelela mintsako ya hina yi  
     tiveka,  
 Joyinani risimu hi moyo lowo tsokombela,  
 Joyinani risimu hi moyo lowo tsokombela,  
 Kutani hi rhendzela xiluvelo  
 Kutani . . . (Oho, ntsena yimbelelani mi ri  
     eMoyeni!) . . . xiluvelo.

Oho, hi le ku macheni ku ya eSion,  
 Liya yo saseka, Sion yo saseka;  
 Hi le ku macheni ku ya ehenhla eSion,  
 Doroba leriya ro saseka ra Xikwembu.

Oho, hi le ku macheni ku ya eSion,  
 Yo saseka, Sion yo saseka;  
 Hi le ku macheni ku ya ehenhla eSion,  
 Doroba leriya ro saseka ra Xikwembu.

Pfumelelani lavaya va alaka ku yimbelela  
 Lava va nga se tshamaka va tiva Xikwembu xa  
     hina;

Kambe vana va Hosi ya le matilweni,  
 Kambe vana va Hosi ya le matilweni,  
 Va nga vulavula mintsako ya vona  
 endzhandzheni,  
 Va nga vulavula mintsako ya vona  
 endzhandzheni.

<sup>240</sup> A hi ri yimbeleleni!

Hi le ku macheni ku ya eSion,  
 Oho, yo saseka, Sion yo saseka;  
 Hi le ku macheni ku ya ehenhla eSion,  
 Doroba leriya ro saseka ra Xikwembu.

<sup>241</sup> Oho, xana sweswo a swi mi gudli? Xana a mi ti rhandzi tinsimu letiya ta khale? Swi nga antswa ndzi—ndzi va na tona ku tlula hinkwato leti mi nga... kumbe rin'wana na rin'wana ra tinxaka letin'wana ta tinsimu leti mi nga va ka na tona. Tona ti kahle, tinsimu ta khale leti twiwaka hi mbilu. Oho, mina! Ndzi titwa kahle swinene na ku tsaka loko ndzi ti yimbelela, ntsena ku va kahle! Mina, ndzi twa ingaku ndzi ngo tlangel!

Tekani Vito ra Yesu mi famba na rona,  
 N'wana wa nhlomulo na khombo;  
 Ri ta mi nyika ntsako na ku chavezeleka,  
 Oho, ri tekeni, hinkwako laha mi yaka kona.  
 Vito ro hlawuleka (Vito ro hlawuleka!), O hilaha ri tsokombelaka hakona! (O hilaha ri tsokombelaka hakona!)

Ntshembho wa misava na ntsako wa le Tilweni;  
 Vito ro hlawuleka, O hilaha ri tsokombelaka hakona!  
 Ntshembho wa misava na ntsako wa le Tilweni.

<sup>242</sup> Loko ha ha korhamisa tinhloko ta hina sweswi:

Ku khinsama eVitweni ra Yesu,  
 Ku badama emilengeni ya Yena,  
 Hosi ya tihosi eTilweni hi ta Yi ambexa harhi,  
 Loko rendzo ra hina ri helerile.  
 Vito ro hlawuleka, O hilaha ri tsokombelaka hakona!  
 Ntshembho wa misava na...

[Makwerhu Neville a pfala ntirho—Muhleri.]



*XIKWEMBU A XI VITANI MUNHU EKU AVANYISIWENI  
EHANDLE KA KU RHANGA XI N'WI TSHINYA TSO63-0724*  
(God Doesn't Call Man To Judgment Without First Warning Him)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Ravunharhu ni madyambu, Mawuwani 24, 1963, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)